


定^元類
釋氏稽古畧

三下


陸



漢書門			
1	2	3	4
冊	架	函	號

庫文閣内			
三	一〇	一	九
函	冊	架	架

内閣文庫			
番號	漢	10038	
冊數		8	(6)
函號	別	64	9



綴じ部(喉部分)の文字など開きが不鮮明な箇所あり

胡

丙辰開成元年

衢州子湖巖禪師名利蹤澶州人姓周氏出家幽州

或二年邑人翁遷貴施山下子湖創院以居師師於門下立牌曰子

湖有一隻狗上取人頭中取人心下取人脚擬議則喪身失命臨濟

會下二僧參纒揭簾師喝曰看狗僧回顧師便歸方

丈倍崇廣明元年入寂塔于本山師嗣南泉願鑄燈

○戊午開成三年三月清涼國師澄觀入寂壽一百二歲臘八十三加

大統國師帝謂以祖聖宗仰特輟朝三日重臣縞素奉全身塔終南

山未幾有梵僧至闕表稱於慈嶺見二使者凌虛而過問之荅曰北

印度文殊堂神也東取華嚴菩薩大牙歸國供養有旨啓塔果失一

牙遂闍維舌根不壞如紅蓮色舍利光明瑩潤塔之賜塔曰妙覺相

國裴休奉勅撰碑勅寫師真奉安大興唐寺煇舊宋太宗時贊寧僧

統撰大宋高僧傳稱國師憲宗元和間入寂春秋七十餘二說不同

今並有之唐舊史曰德宗貞元十五年四月帝誕節勅有司備儀輦

迎教授和尚澄觀入內殿闡揚華嚴宗旨觀墮其座曰大哉真界萬

法資妙包空有而絕相以言相而無迹妙有不有真空不空我佛得

之妙踐真覺廓淨塵習寂寥於萬化之域動用於一空之中融

以相含流聲光而遐獨我皇得之靈鑒虛

文庫

香

王淳風崩於萬國敷化以覺夢垂天真以迷情是如嚴教旨恢
廓冲塞不可得而思議矣夫其旨也徒修因於曠劫得其門也
佛於一朝帝顧謂群臣曰朕之師言雅而簡辭典而富能以聖法清
涼朕心仍以清涼賜為國師之號朕思從來執身心我人及諸法定
相斯為顛倒群臣再拜稽首頂奉明命
由是中外台輔重臣咸以入戒師禮之

庚申開成五年春正月帝崩帝之弟武宗立九月召道士趙歸真等
入禁中修金籙道場十月武宗昇玄壇親受法籙左拾遺王哲諫云
王業之初不
宜崇信太過

武宗

武宗第五子初封穎王先是文宗太子未薨無子立敬宗子陳
為皇太弟即位
位六年壽三十三
○會昌
六

辛酉會昌元年

六月以衡山道士劉玄靜為光祿大夫充宗玄
館學士六祖下五世圭峯宗密禪師入寂
雲巖海州雲巖禪師名曇晟鐘陵建昌王氏少出家於石門有文
海禪師二十年因緣不契後造藥山山曰百丈說其麼法師曰

日上堂大眾立定以拄杖一時趨散復召大眾眾迴首丈曰是
麼山曰今日因子得見海兄師於言下頓悟便禮拜至是會昌元年
十月二十六日喚主事令備齋來日有上座發去至二十七夜入寂
茶毘得舍利一千餘粒瘞于石室勅謚無住大師塔曰淨勝師嗣藥
山儼禪師接弟子洞山价
曹洞宗本於師也

九座山

癸亥會昌三年正覺大師諱智廣興化軍仙遊人憲宗元和
二年示生初參禮官安國師及鄂州無等禪師有省遂南歸
止泉州常持鉢鉢以一白大自隨至是武宗將廢教乃遁巖谷宣宗
復教復出南山會宗咸通六年抵此九山之所逢巨蟒欲來吞師師
錫先飛撐拄洞口師入洞口跌坐連師出定蟒化為石矣既而雷雨
湧沙成院其址由是山之神移山入維院居其中成九座焉師僖宗
乾符三年示寂昭宗
寧二年勅蓋正覺大師

○甲子會昌四年三月詔以道士趙歸真為左右街道門教授先生帝
縱意求仙歸真乘寵每排釋氏帝然之復請與釋氏辯論帝遣僧
道於麟德殿談論法師知玄登論座辯捷精壯道流不能屈玄曰
曰王者本禮樂一憲及吐納服食蓋山林區夫獨擅之願陛下

足留神帝色不平侍臣諷玄賦詩以自釋玄進五篇有
鶴背傾危龍背滑君王且住一千年之句帝知其刺糖文
汰○乙丑五年趙歸真薦舉鄧元超偕劉玄靖等愈排釋氏五月勅併省
僧天下佛寺選法僧人福州龜洋智真禪師慧忠作十偈今出其三篇
明月分形處處新白衣寧墜解空人誰言在俗妨脩道金粟羅輝曾
為長者身忍僊林下坐禪時曾被歌王割截肢况我聖朝無此事只
令休道亦何悲形容雖變道常存混俗心源亦不昏試讀善財巡禮
偈當年豈例是沙門忠揚州柳氏子嗣草堂義義嗣撫州曹山耽章
禪師本寂寂
嗣洞山价辯

○丙寅會昌六年帝餌方士金丹疽發背旬日不能
言三月崩宣宗即位夏四月辛未朔宣宗始聽政

宣宗

忱憲宗第十三子封光王為人嚴重寡言宮中咸以為不慧武宗
不豫中尉馬元贇立之為皇太叔即帝位在位十三年壽五十歲
復佛之教以右常侍李景讓為浙西觀察使初景讓母鄭氏性嚴明
早寡家貧居洛陽諸子皆幼母自教之一日宅後古牆因雨潰陷得
錢盈船奴婢喜走告母母往焚香祝之曰吾聞無勞而獲身之災也
無勞而獲天必以先君餘慶矜其貧而賜之則願諸孤他日學問有成子其志

也此錢不敢取遂命掩而築之三子景讓景莊皆舉進
及弟景讓宦達髮已班白小有過不免母之捶楚也
唐諱轉

太中
十三

丁卯大中元年

閏二月詔曰會昌季年併省寺宇雖云異方之教有
謬其靈山聖境應會昌五年所廢寺宇諸宿
舊僧再仍舊修復住持有司毋得禁止糖糖

畫彌陀佛

是年太子少傅白居易薨年七十五贈尚書左僕射白與
弟行簡敏中友愛所居洛陽履道里疏沼種樹架石樓香
山鑿八節灘號醉吟先生又自稱香山居士與胡景等九人宴集皆
高年不仕人慕之繪為九老圖既卒以其所居築施為佛寺少傅嘗
畫阿彌陀佛像禮事之自為之記畧曰我本師釋迦如來說言西方
有妙界號極樂以無八苦四惡道故也其國號淨土以無三毒五濁
業故也其佛號阿彌陀以壽無量願無量功德相好光明無量故也
諦觀此娑婆世界眾生無賢愚無貴賤無幼艾有起心歸佛者舉手
合掌必向西方有怖厄苦惱開口發聲必先念阿彌陀又觀金台二
刻石繡紋乃至印水聚沙童子戲者莫不念阿彌陀佛為上首不

佛
圖
堯
聖
畫
像

知其然而然由是而觀是彼如來有大誓願以此眾生受生有大因緣於彼國土明矣不然則北東方過現未來佛多矣何獨如是哉唐中大夫太子少傅白居易當衰暮之歲中風痺之疾乃捨俸錢三十萬命工畫西方世界一部阿彌陀佛坐中央觀音勢至二大士侍左右人天瞻仰功德成就弟子居易稽首跪於佛前願此功德迴施眾生眾生有如我老者如我病者願離苦得樂斷惡脩善不越南部便觀西方青蓮上品隨願往生現在未來常得親近欲重宣此義而說讚曰極樂世界清淨土無諸惡道及眾苦願如我身老病者同生無量壽佛

所樂天集

○戊辰二年觀察使裴休守宣城常與各緇講道門人謂公曰敢問三界之言未立人不知脩行不見因果介景福者不為之少洎斯教也行乎中國愚人畏罪損其惡賢人望福增其善增之不已則至今當盡善矣損之不已至今當無惡矣何昏迷暴虐無減於秦漢之前福

疑解
慧聰明不增於魏晉之後歸之者殊途輻湊立之者萬法雲興宜使吾人盡昇覺路不宜虫虫庶類由古至今若斯之迷也由之之固庸非溺乎公笑謂之曰大明肇啓法不齊備聖人繼出代天為工結繩畫卦文質滋改一聖立一法生天道人事顯若符契夫燧人

有火也則天無火星人無火食龜無火兆物無火災必矣少未理金也則天無金星人無金用龜無金兆物無金災必矣及聖人攻木出火鍛石取金於是乎精芒主宰騰變上下則知世法時事隨聖人也考精神之源窮性命之表作大方便護於群生群生受之而不知蓋循天道運行物以生茂昔謂自己孰知其然也於是問者廓然自得佛味及詔許立寺而宣城士民相鼓以萬請先立之於宣郭遂復新興寺焉休乃禮迎黃檗希運禪師至郡寓開元寺朝夕受法錄錄已巳三年湖南觀察使裴休謁潭州華林覺禪師問有侍者否師曰有一兩箇使云在甚麼處覺乃喚大空小空二虎自菴後而至使驚懼焉覺潭州人

馬祖一禪師

黃檗洪州也揚州之黃檗山禪師名希運閩人也幼於福州黃檗山出家受具遊京師往江西參百丈海禪師契悟心要相國裴

心
休鎮宛陵建大禪苑請師說法還以黃檗名其寺休既契心集師所說法語類之成帙題曰黃檗心要入大藏流行至是大中四年八月師入滅救謫斷際禪師塔曰廣慈師翻百丈海海嗣馬祖道一禪師錄

弘。辛未大中五年正月詔京兆大薦福寺弘辯禪師入內帝問禪宗何

辯。有南北之名師矣曰禪門本無南北自諸祖至弘忍大師有二弟子

一慧能受衣法居嶺南一神秀在北揚化得法雖一而開發悟有

頓漸之異故曰南頓北漸非禪宗有南北之號也帝曰何名戒定慧

對曰防非止惡名戒六根涉境心不隨緣名定心境俱空照覽無惑

各慧帝曰何名方便對曰隱實覆相權巧之門也被接中下曲施誘

進謂之方便設為上根言捨方便但說無上道者斯亦方便之說以

至祖師玄言忘功絕謂亦無出方便之跡帝曰何為佛心對曰佛者

西天之語唐言覺謂人有智慧覺照為佛心者佛之別名有百千

異號體准其一如陛下日應萬機即是陛下佛心帝曰有人念佛如

何對曰如來出世隨根器而說為上根者開寂上乘頓悟至理中下

根者未能頓曉是以佛開觀門令念佛生於極樂帝曰有持經咒求

佛如何對曰如來種種說法皆為一乘如百千衆流莫不朝宗於海

如是差別諸緣皆歸薩婆若海帝曰祖師既傳心印金剛經云無所

得法如何對曰佛之一化實無一法與人但示各各自性同一法藏

當時然燈如來但印釋迦本法而無所得方契然燈本意帝曰禪師

既會祖意還禮佛看經否對曰沙門禮佛誦經蓋是住持常法有四

種焉依佛戒脩身參尋知識漸脩梵行履踐如來所行之迹帝曰何

脩

為頓見何為漸脩對曰頓明自性與佛無二然有無始染習漸

脩對治令順性起用如人喫飯非一口便飽是日辯對漏下七刻帝

悅賜號圓智禪師繼有詔旨增脩天下祖塔應未經賜謚者所在以

聞太常考行頒賜謚唐。弘辯京兆人也嗣章敬寺懷暉禪師驛泉

州人姓謝氏憲宗元和十三年

入寂謚大覺禪師嗣馬祖鑄燈

東林。壬申大中六年詔復江州廬山東林寺刺史

加謚。崔黯為碑詔加謚遠法師辯覺二字。廬山

。為仰宗

潭州瀉山禪師名靈祐福州長谿人姓趙氏年十五出家依

教二十三遊江西叅百丈海禪師悟明心法有司馬頭陀者自湖南

來言於百丈曰瀉山一千五百人善知識所居之地也師於百丈會

中應命而往營構梵宇值武宗毀教裹頭隱於民大中初觀察使裴

休請師復至所居連帥李景讓奏額曰同慶寺禪會特盛緇侶輻輳

師敷揚宗教凡四十餘年達其道者不可勝數入室弟子四十一人

仰山屬江西袁州路之潯陽禪師名憲寂韶州懷化人姓葉氏年九歲於廣州和安寺投通禪師出家十四披剃未登具即遊方初謁耽源一沙彌到來大興此教次第傳授無令斷絕今適子來當以付之無院居第二座有一尊者白檀云今當第二座說法師起白檀曰摩訶衍法離四句絕百非諦聽諦聽眾皆散去一日忽有梵僧從空而至師問曰近離甚處曰西天曰幾時離彼梵曰今早師曰太遲生曰遊山翫水師曰神通遊戲則不無聞黎梵曰特來東土禮文殊却遇小釋迦遂出梵書貝多葉數十與師作禮乘空而去自此號師小釋迦焉梁貞明二年丙子歲師再遷東平說偈曰年滿七十七無常在今日日輪正當午兩手抱屈膝言訖以兩手抱膝而終閱明年嗣法弟子南塔光涌禪師遷靈骨歸仰山塔于集雲峯下敕謚智通禪師妙光之塔師嗣為山祐禪師法道盛化人皆宗之曰為仰宗○寂初住王莽山僖宗乾符六年山神請曰東南有大仰山福地也師乃遷焉甲戌大中八年終南山初有一僧結庵習定一日有猴竊其迦梨衣披而宴坐隨有群猴皆習定坐有脫去者今有五獼猴塔

猴

御製讚曰嗟汝獼猴能入定心猿不動幾千春罷攀紅樹冬寒休弄碧潭孤月輪雙眼已隨青嶂合兩眉猶對百花顰自從坐脫終南

猴

受戒給牒 丙子大中十年勅法師辯章為三教首座初令僧尼受戒給牒

戊寅十二年冬十月司空門下侍郎同平章事令狐綯擬李遠杭州刺史帝曰吾聞遠詩長日唯消一局碁安能理人綯曰詩人託此為高興耳未必實然帝曰且令往試觀之

三世同居

萬敬儒廬州人三世同居喪親廬墓刺指血書佛經郡守改其所居里曰成孝鄉廣孝聚至是大中十二年有司申

聞帝勅旌表其家

藤蘿尊者

溫州瑞安本寂禪院僧無繹因武宗會昌沙汰隱于東北谷結庵禪定閱十年藤蘿纏繞儼然不動人號之藤蘿尊者

者後人立祠至今奉祀

己卯 大中十三年八月帝崩宣宗性明察沈用法無私私諫如流重惜官賞恭謹節儉惠愛民物故大中之政訖於唐亡人思誅

之謂之小
太宗糖精

懿宗 諱漼宣宗長子始封郾王 咸通十四年壽三十一歲 十四

庚辰咸通元年

普化 鎮州普化和尚不知何許人也事盤山密受真訣唯振一鐸伴狂街市或居塚間至是咸通元年振鐸凌空隱隱而逝莫測其

由師嗣盤山積禪
師積嗣馬祖辨燈

戒 壬午咸通三年二月杭州大慈山寰中禪師入滅壽八十三勅謚性空禪師師蒲阪人姓盧氏嗣百丈海禪師夏四月勅兩街四寺各置

戒壇剃度僧流
三十七日糖精

水懺 匡宗大德諱知玄姓陳氏咸通四年制署號悟達以師總教門事十二年五月帝幸安國寺賜師沈香裝飾寶座高丈餘珍

麗絕甚僖宗中和二年駕幸蜀避黃巢至成都遣御史耶以資召師赴行在次年師自成都往宮辭還九龍山一味隆越世甚是曰人面瘡遇異僧引水洗瘡知為晁錯袞益宛對也今之水懺

三卷者緣起於師也師亦自知時謝右脇安然而逝師三學洞實名蓋一時世稱

陳菩薩糖精

德山 朗州德山禪師名宣簡州人姓周氏卅歲出家依年受具精究律藏於性空寺通貫諸經旨趣常講金剛般若時謂之周金

剛不信南方宗禪之道乃曰出家兒千劫學佛威儀萬劫學佛細行不得成佛南方魔子敢言直指人心見性成佛我當搥其窟穴滅其

種類以報佛恩涼檐青龍疏鈔出蜀至澧陽路上買油糍點心婆子指其檐曰這箇是甚麼師曰青龍疏鈔婆曰講何經師曰金剛經婆

曰我有一問若道得我當供上座油糍若道不得不與油糍婆乃曰經中道過去心不可得未來心不可得現在心不可得未審上座

點那箇心師無語乃不得油糍而去遂之澧州龍潭寺至法堂曰父嚮龍潭及乎到來潭又不見龍又不現潭隱身曰子親到龍潭師無

語求棲止焉一夕侍立潭曰更深何不下去師硬出却曰外面黑潭點紙燭度與師擬撲潭即吹滅之師當下悟便禮拜潭曰子見

潭點紙燭度與師擬撲潭即吹滅之師當下悟便禮拜潭曰子見

潭點紙燭度與師擬撲潭即吹滅之師當下悟便禮拜潭曰子見

周金對

高瘡

簡其廢師曰從今向去更不疑天下老和尚舌頭也來日特所携疏
鈔於法堂前焚之舉火白窮諸玄辯若一毫置於太虛竭世樞機似
一滴投諸巨壑辭去抵滬山復還住澧陽三十年屬武宗廢教隱於
獨浮山之石室宣宗大中初武陵刺史薛廷望再葺德山精舍號古
德禪院請師住持不肯下山廷望設說計以茶鹽誣師致之入州禮
敬堅請然後居之以闡玄化至是咸通六年十二月三日謂眾曰捫
空追響勞汝心神夢覺覺非竟有何事言訖安○武陵唐為朗州
坐而化勅謚見性禪師嗣龍潭崇信禪師鑄燈今常德路荆城

○臨濟宗 鎮州真定路也臨濟禪師名義玄生曹州南華郡以自幼剃
落初到黃檗時睦州陳尊宿為首座問師在此幾時師曰在
此三年州指其問佛法的大意驥便打三度問三度打師乃辭睦
州曰自恨障緣不領深旨今且辭去州曰須辭和尚睦州語驥曰問
話上座若來辭方便接伊已後為一株陰涼大樹覆蔭天下人去在
師辭驥曰往高安叅大愚去師至高安愚曰甚處來師曰黃檗愚
曰黃檗有何言句師曰某甲三度問佛法的大意三度被打不知
有過無過愚曰黃檗與麼老婆心切師於言下大悟乃曰元來黃檗
佛法無多子愚搗拄白這屎來鬼子適來道有過無過如今却道佛
法無多子你見箇甚麼道理速道速道師於大愚肋下築一拳愚拓

開曰汝師黃檗非干我事却回黃檗驥曰來來去去有甚了期師曰
抵為老婆心切使人事了侍立驥曰大愚有何言句師舉前話驥曰
大愚老漢饒舌待來痛與一頓師曰說甚待來即今便打遂掌黃檗
驥曰這風顛漢來這裏將虎鬚師便喝驥云侍者引之叅堂去師後
住鎮州臨濟學侶雲集乃曰大允演暢宗乘一句中須具三玄門一
玄門須具三要實有實有照有用汝等諸人作麼生會後居大名
府興化寺東堂至是咸通八年四月十日說偈曰汝流不止問如何
直照無邊說似他離相離各人不稟吹毛用了急須磨端坐而逝塔
全身于府西北隅勅謚慧照禪師塔曰澄靈嗣

黃檗運運 嗣百丈海縮林尊仰曰臨濟宗鑄燈

沙○戊子咸通九年詔康承訓討龐勛等於徐州承訓奏乞沙陀三部落
使朱耶赤心帥其眾以自隨賊斃於徐州勛死帝嘉朱耶赤心之功
置大同軍於雲州以赤心為節度使賜姓李名國昌國昌子克用克
用子存勳後唐莊宗也初太宗貞觀間破西突厥置十三州都督
府未嘗有沙陀府也有處身處密諸部又其小者也朱耶者處身別
部之號也至憲宗時始有朱耶盡忠及子執宜見於中國自號沙陀
以朱耶為姓蓋沙陀大磧也自處身以來世居此磧號沙陀突厥至
盡忠孫賜姓李氏李氏復大而夾狄遂以沙陀為貴種勳功第一

曹洞宗

江西瑞州洞山禪師名良价生越州會稽俞氏幼歲出家從師念般若心經至無眼耳鼻舌身意處忽以手捫面問其師

曰某甲有眼耳鼻舌等何故言無其師駭異曰吾非汝師指其往五洩山禮默禪師披剃年二十一詣嵩山具戒遊方首謁南泉次參為

山溪山指之曰此去澧陵攸縣石室相連有雲巖道人若能撥草瞻風必為子之所重由是徑造雲巖便問無情說法甚麼人得聞巖曰

無情得聞師曰和尚聞否巖曰我若聞汝即不聞吾說法也師曰某甲為甚麼不聞巖豎起拂子曰還聞麼師曰不聞巖曰我說法汝尚

不聞豈况無情說法乎師曰無情說法該何典教巖曰豈不見彌陀經云水鳥樹林悉皆念佛念法師於此有省乃述偈曰也大奇也大

奇無情說法不思議若將耳聽終難會眼處聞時方得知辭去宣宗大中末年於新豐山接誨學侶盛化豫章高安之洞山權開五位善

接三根大闡一音廣弘萬品橫抽寶劍剪諸見之稠林妙叶弘通截萬端之穿鑿又得曹山深明的旨妙唱嘉猷道合君臣偏空回互由

是洞上玄風播於天下故諸方宗匠咸共推尊之曰曹洞宗至咸通十年三月入寂壽六十三臘四十二勅謚悟本禪師塔曰慧覺

江西撫州路曹山禪師名本寂生泉州莆田黃氏少業儒年十九歲往福州靈石出家二十五登戒謁洞山山問闍黎名甚麼師曰不寂

山曰那箇澣師曰不名本寂山深器之自入室盤桓數載乃辭去山遂密授洞上宗旨直趨曹溪禮六祖塔回吉水眾鄉師各請開法

師志慕六祖遂名山曰曹尋值賊亂乃之宜黃有信士王若一捨何王觀請師住持師更何王為荷玉由是法席大興學者雲萃洞山之

宗至師為盛昭宗天復元年六月十五日謂眾曰曹山明且辰時行脚去及時焚香宴坐而化壽六十二臘三十七葬全身於山之西阿

勅謚元證禪師塔曰福圓寂嗣洞山良价禪師价嗣雲巖成嗣藥山儼儼嗣石頭遷遷嗣青原思思嗣六祖大鑿禪師鑿登

加南。庚寅咸通十一年十一月帝誕節召兩街大德僧人入內講道帝悅賜曇顯等十人紫衣賜永興軍終南山道宣律師號澄照律師

相國裴公

至是咸通庚寅薨壽七十四歲執弟子禮事黃檗運禪師悟明心要公諱休字公美河東孟州聞喜人兒時與兄弟

偕隱晝講經夜著書有饋鹿者休不食曰蔬食猶不足今一哺肉後何以繼擢進士第累遷職任刺洪州日入龍興寺觀畫壁曰容儀可

觀高僧何在眾無對者公曰此間有禪僧否僞運禪師於嶺南黃檗山捨眾來大安精舍混跡灑掃人莫之識或曰有一禪者公延之至

理前語問之運朗聲曰裴休公曰諾運曰在甚麼處公豁然契會遂迎之入府朝夕問道公移鎮宛陵州請運與俱公於宣宗時執政

雲居

禪師名道膺幽州玉田人姓王氏童牝出家於涿州延壽寺二

十五歲成大僧其師令習聲聞籙聚非其好棄之遊方至尋微
聞洞山法席遂造焉契悟宗旨結庵三峯經旬不赴堂价禪師謂之
每有天人送食洞山謂之曰我將謂汝是箇人猶作這箇見解高聲
呼曰膺庵主師應諾山曰不思善不思惡是甚麼師有省回庵宴坐
天神尋之不見三日乃絕山勉師隨方接人遂乃焚其庵去海昏登
歐阜廬山西北崦冠世之絕境也就樹縛屋而居號雲居衲子亦追
求而集散處山間樹下久成苦架至是咸通十三年遂成法席學侶
至一千五百眾唱洞山之道居三十年道徧天下南昌王鐘傳師尊
之師於昭宗天復元年十二月二十八日為眾開寂後方便叙出世
始末次年正月三日端坐而逝
勅謚弘覺禪師塔曰圓寂鐫燈

帝於宮中日齋萬
僧御製贊頌

癸巳咸通十四年三月詔迎鳳翔法門寺佛骨以四月八日王宗帝
御安福門樓迎拜引入內道場三日供養送京城諸寺七月帝崩太
子即位明年四月詔送佛骨歸于鳳
翔都人耆耄辭餞皆嗚咽流涕

僖宗

懷懿宗第五子初封普王懿宗不豫
立為皇太子在位十五年壽二十七

乾符六 廣明一 中和四
光啓三 文德一

甲午乾符元年 六

黃巢時東昌路濮州人王仙芝始聚眾數千人起於長垣二年黃巢亦
聚眾千餘人應王仙芝巢少時與仙芝皆以販私鹽為事巢善騎射
善任俠粗涉書傳屢舉進士不第遂為盜與仙芝攻剽州縣橫行山
東民之困於重斂也爭歸之數月之間眾至數萬乾符五年招討使
曾元裕大破王仙芝於黃梅追斬仙芝黃巢方攻亳州仙芝餘黨尚
讓者帥其餘眾歸巢推巢為主號衝天大將軍稱王霸元年署官屬
陷福建乾符六年冬巢來襄陽十一月山南東道節度使與江西招
討使曹全戢合兵屯荆門以拒之戰賊比至江陵停斬其什七
八巢與尚讓收餘眾渡江東走巢勢復振轉掠饒信池宣歙杭等十
五州眾至二十萬廣明元年十一月巢陷東都十二月壬午巢
兵攻潼關關上兵皆潰中宮田令孜奉帝自金光門出惟福穆澤壽
四王及妃嬪數人從行百官皆莫之知巢入長安帝幸興元乃入蜀

庚寅巢殺唐宗室在長安者至辰巢即皇帝位國號大齊稱金統元
年中和二年巢所署同州防禦使朱温屢請巢益兵以捍河中不報
温見巢兵勢日蹙知其將亡親將胡真謝瞳勸温歸國九月温殺其
監軍嚴實舉州降諸道行營都統王鐸承制以温為同華節度使未
幾賜名全忠河中留後王重榮行營都監楊復光東面宣慰使王徽
諸道行營都統王鐸議討賊復光曰鴈門李僕射也克用驍勇有強兵
召之來賊不足平也時王鐸在河中乃以黑敕召李克用十一月克
用將沙陀威通年萬七千人趣河中中和三年三月克用進軍渭
橋與巢軍戰于渭南賊兵大敗奔走四月克用自光泰門入京師巢
力戰不勝焚宮室遁去克用時年二十八歲破巢復長安功第一詔
以克用為河東節度使中和四年春二月巢走圍陳州李克用會汴
徐兗之軍以救之五月巢引兵東北趣汴州克用追及巢於中牟奮
擊大破之巢將尚讓帥其眾降克用克用追至宛旬之邑糧盡乃還
汴州營于城外朱全忠固請入城館于上原驛全忠置酒克用乘酒
語頗侵之全忠不平發兵圍驛而攻之克用縋城得出六月武寧將
李師悅等追巢至瑕丘敗之巢眾殆盡走至狼虎谷巢錫林言斬巢
兄弟妻子首以降巢始起於乾
符二年至中和四年七月滅巢

永嘉真覺大師

諱玄覺生温州戴氏世居光泰寺羅染受具徧學

留之一宿遂名一宿覺焉師著禪宗悟修圓旨十篇觀心十門證道歌
師預期歌之冥感即定中觀見字字皆成金色滿虛空界玄宗開元元年
十月十七日師辭眾端坐歸寂葬本郡松臺山李邕作行業碑時有梵僧
傳其歌歸西竺翻成梵夾五天欽仰稱為東土大乘經師嗣曹溪六祖遺
宗元和二年杜守黃敬師之道輒發地瞻仰師軀完然如生遂為師營塔
廕焉至是傳宗乾符元年三月郡守朱褒狀表師之事跡帝賜諡無相大
師塔號淨光禪證道歌曰君不見絕學無為閑道人除妄想不求真無
明實性即佛性幻化空身即法身法身覺了無一物本源自性天真佛五
陰浮雲空去來三毒水泡虛出沒證實相無人法刹那滅却阿鼻業若將
妄語誑眾生自招拔舌塵沙劫頓覺了如來禪六度萬行體中圓夢裏明
明有六趣覺後空空無大千無罪福無損益寂滅性中莫問竟比來塵鏡
未曾磨今日分明須剖析誰無念誰無生若實無生無不生喚取機關木
人問求佛施功早晚成放四大莫把捉寂滅性中隨飲啄諸行無常一切
空即是如來大圓覺決定說表真乘有人不肯任情徵直截根源佛所印
摘葉尋枝我不能摩尼珠人不識如來藏裏親收得一般神用空不空一
顆圓光色非色淨五眼得妙唯證乃知誰可測鏡裏看形是不難水中

捉月半拈得常獨行常獨步者同遊涅槃路調古清風自高貌悴骨
剛人不顧窮釋子口稱貧實是身貧道不貧貧則身常披縷褐道即心藏
無價珍無價珍周無盡利物應時終不吝三身四智體中圓八解六通心
地印上士一決一切了中下多聞多不信但自懷中解垢衣誰能向外誇
精進從他謗任他非把火燒天徒自疲我聞恰似飲甘露銷融頓入不思
議觀惡言是功德此則成吾善知識不因訕謗起怨親何衣無生慈忍力
宗亦通說亦通定慧圓明不滯空非但我今獨達了河沙諸佛體皆同師
子吼無畏說自獸聞之皆腦裂香象奔波失却威天龍寂聽生欣悅遊江
海涉山川尋師訪道為參禪自從認得曹溪路了知生死不相干行亦禪
坐亦禪語默動靜體安然縱遇鋒刀常坦坦假饒毒藥也開開我師得見
然燈佛多劫曾為忍辱僊幾迴生幾迴死死悠悠無定止自從頓悟了
無生於諸榮辱何憂喜入深山住蘭若岑崆幽邃長松下優游靜坐野僧
家閒寂安居實瀟灑覺即了不施功一切有為法不同住相布施生天福
猶如仰箭射虛空勢力盡箭還墜招得來生不如意爭似無為實相門一
超直入如來地但得本莫愁末如淨瑠璃含寶月既能解此如意珠自利
利他終不竭江月照松風吹水夜清宵何所為佛性戒珠心地印霧露雲
霞體上衣降龍鉢解虎錫兩股金錄鳴歷歷不是標形虛事持如來寶杖
親蹤跡不求真不斷妄了知二法空無相無相無空無不空即是如來真

實相心鏡明鑒無礙廓然瑩徹周沙界萬象森羅影現中一顆圓明非肉
豁達空潑因果濟濟蕩蕩招殃禍棄有著空病亦然還如避溺而投火捨安
心取真理取捨之心成巧偽學人不了用修行真成認賊將為子賴法財滅
功德莫不由斯心意識是以禪門了却心頭入無生知見力大丈夫秉慧劍
般若鋒芒金剛酸非但能摧外道心早曾落却天魔膽震法雷擊法鼓布慈
雲方灑甘露龍象蹴蹋潤無邊三乘五性皆惺悟雪山肥膩更無雜純出醜
酬我常納一性圓通一切性一法徧含一切法一月普現一切水一切月
一月攝諸佛法身入我性我性還共如來合一地具足一切地非色非心非
行業彈指圓成八萬門刹那滅却阿鼻業一切數句非數句與吾靈覺何交
涉不可毀不可讚體若虛空勿涯岸不離當處常湛然貧則知君不可見取
不得捨不得不可得中只麼得默而說說時默大施門開無壅塞有人問我
解何宗報道摩訶般若力或疑或非人不識逆行順行天莫測吾早曾經多
劫將不是等閑相誑或建法幢立宗旨明明佛勅曹溪是第一迦葉首傳燈
二十八代西天記法東流入此土菩提達磨為初祖六代傳衣天下聞後人
得道何窮數真不立妄本空有無俱遣不空空二十空門元不著一性如來
體共同心是根法是塵兩種猶如鏡上痕痕垢盡除光始現心法雙忘性即
真嗟末法惡時世眾生福薄難調劑去聖遠兮邪見深魔強法弱多怨害聞
說如來頓教門恨不滅除令惡作在心殃在身不須怨訴更尤人欲得不

招無間業莫謗如來正法輪孤極林無雜樹鬱密深沈獅子住境靜林間獨
自游走獸飛禽皆遠去獅子宛來隨後三歲即能大哮吼若是野干逐法至
百年妖怪虛開口圓頭教勿人情有疑不決直須爭不是山僧道人我修行
恐落斷常坑非不非是不是是之毫釐失千里是即龍女頭成佛非即善星
生陷墜吾早年來積學問亦曾討疏尋經論分別名相不知休入海算沙徒
自困却被如來苦訶責數他珍寶有何益從來踏踏覺虛行多年枉作風塵
客種性邪錯知解不達如來圓顯制二乘精選及道心外道聰明無智慧亦
愚癡亦小駭空拳指上生實解執指為月枉施功根境法中虛捏怪不見一
法即如來方得名為觀自在了積業障本來空未了還須償宿債飢逢王膳
不能食病過醫王爭得差在欲行禪知見力火中生蓮終不壞勇施犯重悟
無生早時成佛于今在師子吼無畏說深嗟憐憫頑皮韃只知犯重障善提
不見如來開秘訣有二比丘犯姦殺波離螢光增罪結維摩大士頭除疑還
同赫日銷霜雪不思議解脫力此即成吾善知識四事供養敢辭勞萬兩黃
金亦銷得粉骨碎身未足贖一句了然超百億法中王最高勝河沙如來同
共證我今解此如意珠信受之者皆相應了了見無一物亦無人亦無佛大
千沙界海中漚一切聖賢如電掃假使鐵輪頂上旋定慧圓明終不失拍可
冷月可熱衆魔不能壞其真象駕蟬蝶漫進途誰見塘蝦能拒轍大象
不遊於免運大悟不拘於小節吳將管見謗蒼蒼未了吾今為君決

睦州

睦州持戒精嚴學通三藏遊方契旨於黃檗延克百座衆請住觀
音院常有百餘衆經數十載諸方歸慕咸以尊宿稱後歸開元宮居
織蒲鞋以養母故有陳蒲鞋號天使至問師三門俱開從那門入師
喚尚書使應諾師曰從信門入師看經次陳操尚書問和尚看甚麼
經師曰金剛經尚書曰六朝翻譯此當第幾師舉起經曰一切有為
法如夢幻泡影至是乾符四年召門人曰此處緣息吾當逝矣乃跏
趺而寂郡人以香薪焚之舍利如雨收靈骨塑像于寺壽九十八臘
七十六嗣黃檗禪師

運嗣百丈海禪師
己亥 乾符六年
庚子 廣明元年
辛丑 中和元年

洛浦

澧州洛浦山禪師名元安鳳翔麟遊人卅歲出家具戒持律通經論
是年參臨濟玄禪師充侍者後往夾山卓庵昭宗光化元年八月誠
門人曰出家之法長物不留况其他哉切須在念時光迅速大道深
玄苟或因循曷由体悟至十二月一日安坐而寂嗣夾山會禪師

夾山

澧州夾山禪師名善會廣州廖氏子幼歲出家依年受戒聽習
經論該練三學出住潤州

子誠禪師於華亭契悟心要恭稟遺命遁世忘機懿宗咸通年間棲
遯澧州學侶雲集相從卜居于夾山遂成院宇至是中和元年十一

月七日入寂葬本山謚傳

壬寅 中和二年鐘 傳據江西誌

癸卯 中和三年李 克用復京師

西。拓跋思恭以兵赴國難黃巢之亂也朝廷命思恭權夏綏節度使賜姓李觀元宗

甲辰 中和四年黃巢既滅秋七月李克用至晉陽遣使奉表極言朱全忠妬功嫉能終為國患凡八上表請誅討之帝謂方事之殷

始存大體詔獎諭克用且解之于時浙東飢疫明州普賢懺院幼璋禪師收瘞台温明三郡餓殍遺骸數千時人呼師曰增悲菩薩

乙巳 光啓元年二月帝還至京師改元中官田令孜愈縱威權河中節度使王重榮累表數令孜罪惡重榮啓李克用引兵赴之十

二月克用進逼京城田令孜夜奉帝自開遠門出幸鳳翔光啓二年春正月田令孜請帝幸興元帝不從是夜令孜引兵入宮劫帝幸寶

雞宰相朝臣皆不知及發寶篋留楊晟守散關也乘輿繞入散關邠寧節度使朱玫已圍寶雞嗣襄王煜肅宗玄孫也有疾從

上不及留遵塗驛為攻所得與之俱還鳳翔三月車駕至興元朱玫逼百官奉襄王煜權監軍國事長安百官太子太師裴璩等勸進於

襄王煜煜即皇帝位改元貞達尊帝為太上元皇帝觀軍容使楊復恭傳檄關中稱得朱玫首者以靜難節度使賞之攻將王行瑜會

攻斬之襄王奔河中王重榮詐為迎奉執燭殺之詔以行瑜為靜難軍節度使

靈雲 禪師名志勤福州長谿人嗣長慶安安嗣百丈海晏勤在瀉山時見桃花悟道後返福州居靈雲

錢鏐 吳越王是年討董昌有功授杭州刺史

巖頭 鄂州巖頭禪師名金叢泉州柯氏子少禮青原誼公落髮稟戒於長安寶壽寺習經論諸部優游禪苑後參德山契旨往巖頭

值武宗汰教乃於湖邊隱作渡子後庵于洞庭卧龍山徒侶臻轉至是光啓三年四月八日入寂門人為焚之獲舍利四十九粒起塔供

養勅謚清嚴禪師嗣德山鑿鑿嗣龍潭信

石霜 潭州石霜山禪師名慶諸江西吉州新潞陳氏依洪州西山紹鑾禪師落髮詣洛下習昆尼教抵瀉山充米頭一日瀉山拾一

粒米為師曰莫輕這粒百千粒從這一粒生師曰百千粒從這一粒生未審這一粒從甚處生瀉山呵呵大笑便歸方丈至晚上堂曰

米裏有蟲諸人好看後發聲吾智禪師密其心要後因遊世混俗于長沙瀏陽陶家坊人莫識都僧舉洞山解制上堂秋初夏末兄弟

東去西去直須向萬里無寸草處去師曰出門便是草洞山聞之乃云此是一千五百人善知識語師因此聲名馳震帝聞師道譽賜紫衣辭不受至是光啓三年入寂葬院之西北隅勅諡普會大師嗣道吾宗智智嗣藥山儼然嗣如頭遷遷嗣有原思鏘登

戊申 文德元年二月帝自鳳翔歸京三月不豫壬寅大漸皇弟吉王保長而賢群臣屬望十軍觀軍容使楊復恭請立其弟壽王傑

為皇太弟癸卯帝崩遺制 王建據 有西川 太弟傑更名敏即皇帝位

懿宗 懿宗第七子初封壽王名傑更名敏龍紀元年改各暉在位十六年壽三十八

龍紀一 大順二 景福二 乾寧四 光化三 天復四

己酉龍紀元年 十一月帝改名暉帝將祀圜丘中尉樞密皆廢制法服孔緯及諫官皆以為不可帝出御札諭之曰卿等所論

至當事有從權勿以小瑕遂妨大禮於是宦官始服劍佩侍祠

庚戌 大順元年 辛亥 大順二年楊行密據揚州

不敬 杭州千頃山禪師名楚南福州張氏子得旨於黃檗初抵姑蘇報恩寺精修禪定二十餘年足不踰閩尋住錢塘支硎山葱雲雖應緣傑

養傷分聞其道化就賜紫衣僖宗光啓年間刺史盛錡請師下山供于院之西隅師著破邪論行于世嗣黃檗蓮禪師至是大順二年宣州僧徒築塔發塔觀師全身爪髮俱長拜謝修塔而去鏘燈

壬子 景福元年八月以楊行密為淮南節度使宣明曆寢差太

門。癸丑二年以渝州刺史柳玘為瀘州刺史柳氏自公綽以來世以孝悌禮法為士大夫所宗玘為御史大夫上欲以為相宦官惡之故久謫於外玘嘗誡其子弟曰凡門地高可畏不可恃也立身行己一事有失則得罪重於他人死無以見先人於地下此其所以可畏也門高則驕心易生族盛則為人所嫉懿行實才人未之信小有玘類眾皆指之此其所以不可恃也故膏粱子弟學宜加勤行宜加勵僅得

玘 玘類眾

王朝據福州稱留後王鏐帥鎮定稱趙王 劉仁恭是時為幽州盧龍節度使稱燕王

及子論

賈休 乾寧元年沙門賈休人也入蜀以詩謁王曰 餅一鉢垂垂老

齊賜也至後唐莊宗同光三年入寂高僧齊已蜀人也幼指俗依瀋山

已禪師時慧寂禪師岫山住豫章觀音院已總轄庶務有粥疏曰粥

名良藥佛所贊揚義冠三檀功標十利更析英哲各遂願心既備清

疏 袁永資白業其後居西山金鼓示寂塔存焉龍盤乃其書堂也 紀談

乙卯乾寧二年次年馬殷據湖南杭州錢鏐鎮東西兩浙

李茂貞犯京師帝幸華州茂貞入長安宮室市肆燔燒俱盡

丙辰三年正月九峯玄禪師戒其徒曰無虛度光陰無虛消信施既

已出家唯道是履名大丈夫云已寂然入定至三月二十日而入滅

○丁巳乾寧四年閏帥王 朝薨弟審知嗣據其地

趙州 禪師名從諗曹州郝鄉人也姓郝氏童稚於本州窟通院從師

披剃未納戒抵池陽叅南泉願禪師泉器之一日問泉曰如何

是道泉曰平常心是道師曰還可趣向也無泉曰擬向即乖師曰不

擬爭知是道泉曰道不屬知不屬不知知是妄覺不知是無記若真

達不疑之道猶如太虛廓然蕩豁豈可強是非耶師於言下悟理小

往嵩巖琉璃壇納戒仍返南泉久之衆請住趙州 續真觀音院一日

東陵道化甚盛作十二時歌偈頌機緣語錄流行于世新到師問曰

曾到此間麼僧曰未曾到師曰喫茶去又問僧曰曾到此間麼僧曰

曾到師曰喫茶去院主問曰為甚麼曾到也喫茶去未曾到也喫茶

去師召院主應諾師曰喫茶去時真定帥王鏐稱趙州龍節度

使劉仁恭稱燕王二王爭相重敬至是乾寧四年十一月二日卧

右脇而寂壽一百二十歲勅謚真際大師嗣南泉願願嗣馬祖 贊

聖

青 光化元年赦李茂貞入 己未 光化二年華嶽禪師玄偉編次德

無 杭州無名文喜嘉興朱氏年七歲依本邑常樂寺國清出家

著 荆染習律聽教儒武宗汰教及服韜晦宣宗初再度於鹽官齊峯寺

往五臺借文殊遇一老翁牽牛而行邀師入寺翁縱牛引師陞堂翁

踞床拈紛墩命坐翁曰近自何來師曰南方翁曰南方佛法如何住

持師曰木法比丘少奉戒律翁曰多少眾師曰或三百或五百師却

問此間佛法如何住持翁曰龍蛇混雜九聖同居師曰多少眾翁曰

前三三後三三翁呼童子均提致茶又進酥酪翁拈起玻璃盞問曰

南方還有這箇否師曰無翁曰尋常將甚麼喫茶師無對辭別翁令

童子相送師問童子前三三後三三是多少童召入德師應諾童曰

是多少師曰此為何處童曰此金剛窟般若寺也師悽然悟彼翁者

九百一十三

文殊也即稽首童子願乞一言為別童說偈曰面正無嗔供養具口
 裏無嗔吐妙香心裏無嗔是珍寶無垢無染是真常言訖均提與寺
 俱隱歸宗咸通三年師至洪州觀音叅仰山寂禪師頌悟心法後
 回浙西住龍泉寺錢王秦賜紫衣署無着禪師至是光化三年十
 月二日告衆曰三界心盡即是涅槃言訖跏趺而逝壽八十歲塔于
 鷲峯靈隱之西塢哀帝天祐二年叛兵發師塔肉身不壞髮爪俱長
 錢王鏐聞之遣裨將邵志重加封瘞宋寧宗嘉定十三年遷葬
 淨慈山智覺壽禪師塔左師嗣仰山寂寂嗣瀋山祐禪師會元
庚申 光化三年初崔胤與上密謀盡誅宦官流樞密使宋道弼景務
 脩等皆賜自盡宦官益懼中尉劉季述王仲先樞密使王彥範
 薛齊偓等陰謀廢立帝獵苑中夜歸季述扶帝與后同輦嬪御侍者
 纒十餘人適少陽院鎖其門季述矯詔令太子裕監國尋使即皇帝
 位以帝為太上皇季述遣其養子希度詣朱全忠許以唐社稷翰之
 天平節度副使李振勸全忠誅季述全忠乃囚希度遣振如京師崔
 胤密遣人說神策指揮使孫
德昭 誅季述等時十二月也

辛酉 天復元年正月朔王仲先入朝孫德昭擒斬之崔胤迎帝御長
 樂門樓帥百官稱賀周承誨擒劉季述王彥範繼至方詰責已

為亂徒所斃薛齊偓赴井死出而斬之滅四人之族時朱全忠李茂
 貞各有挾天子令諸侯之意全忠欲帝幸洛陽茂貞欲帝幸鳳翔朱
 全忠至河中表請車駕幸東都十一月

中尉韓全誨逼帝幸鳳翔遂火其宮城
 壬戌天復二年十一月 錢鏐進
 月朱全忠進攻鳳翔 爵越王

○癸亥天復三年春正月李茂貞請帝誅韓全誨等與朱全忠和遣使
 囊全誨等首以示全忠甲子車駕出鳳翔幸全忠營已入長安

○甲子 天祐 春正月朱全忠請帝遷都洛陽壬戌車駕發長安甲子
 元年 至華州朱全忠屢章促發遂至洛陽改元天祐朱全忠

遣李振至洛陽與蔣玄暉等八月弒帝立輝 錢鏐加
 王為皇太子拒前即位時年十三歲哀帝也 封吳王

哀帝 祝昭宗第九子在位四年禪于梁梁封帝為濟陰王遷于曹州戊
 辰年鳩殺濟陰王於曹州追謚曰唐哀皇帝號景宗○一云朱全

忠弒昭宗立哀帝逾四年使劉勰鸞哀帝葬溫陵立少帝濮王糾一
 名繼昭宗子也年號天壽朱全忠又鳩之議以天祐四年禪位于梁

云本紀不載濮王 天祐 乙丑 天祐二年江南楊
 一年事○糾勰倫 四 行密薨子隆嗣位

六八四 卷一百一十二

五十一

聖學。丙寅三年南平鐘傳薨子匡時立尋為秦虜荆南度高季昌據荆
南閩王會雪峯玄沙二禪師問曰將何為道作何修行見性成佛雪
峯曰宜先懺悔滌除障垢所以獲心見性一切業障海皆從妄
想生若欲懺悔者端坐念實相願大王識取實相自然成佛懺
。丁卯天祐四年三月帝遜于
梁王梁受禪改元開平元年

右唐二十一主合二百八十八年禪于梁

五代

梁 受唐禪都汴州開平二年
遷都洛陽均王仍都大梁

太祖 末帝 二主
合十六年而歸後唐

太祖

姓朱氏宋州八本名溫唐僖宗時從黃巢作亂巢署溫同州防禦
使溫歸唐天子賜名全忠拜宣武軍節度使昭宗光化三年
進封梁王哀帝天祐四年三月受唐禪更名昺被殺昺即皇帝位改
國號曰梁在位六年壽六十一歲以汴州為開封府命曰東都以故

東都也洛陽為西都是時惟河東鳳翔淮南稱天祐年號西
蜀稱天復尋亦自立改元武成餘皆稟梁正朔稱臣奉貢

開平四
乾化二

丁卯開平元年

四月改元以河南尹兼河南節度使張全美為魏王
鎮海鎮東節度使吳王錢鏐為吳越王加清海節度
使劉隱威武節度使王審知兼侍中仍以劉隱
為大彭王以權知荆南留後高季昌為節度使

趙王	燕王	晉王	岐王	吳越王	楚	荆南	淮南	閩王	蜀	南平
王鏐	劉纂	李克用	李茂貞	錢鏐	馬殷	高季昌	楊溼	王審知	王建	劉隱

王鏐帥鎮州真定也稱趙王
劉仁恭幽州盧龍節度燕王

晉王李克用稱天祐年號克用
本沙陀人見唐懿宗咸通九年

岐王鳳翔李茂貞深州博野人本性宋名文通為博野軍戍卒黃巢
犯京師茂貞以功補扈蹕都頭僖宗賜姓李名茂貞拜鳳翔隴右節

度使昭宗時封為
岐王稱天祐四年

吳越

吳越王錢鏐字具美杭州臨安人唐僖宗時為董昌備將殺退黃巢兵昌以鏐為都指揮董昌尋亦叛昭宗以鏐為浙東招討使平昌進封天下兵馬都元帥尋封王至是梁開平元年封吳越王後唐莊宗賜玉冊金印鏐居杭州二十一年壽八十一薨

楚王馬殷字霸圖許州鄆陵人唐昭宗乾寧中拜武安軍節度使鎮潭州盡有湖南之地梁太祖開平二年處湖南聽民自採茶賣於北

客收其征以贍軍七月殷奏汴荆襄唐郢復州置回圖務連茶河南北賣之以易繒績戰馬詔許之湖南由是富贍梁封之為楚王

荆南節度使高季昌字賂孫陝州人諡梁初鎮荆南節度十州後為諸道所侵季昌有江陵一城而已至後唐莊宗時封為南平王

淮南號吳楊溼稱天祐四年溼父行密字化源廬州合肥人家世微賤有膂力能舉千斤日行三百里為本州步健破黃巢功大唐昭宗

景福元年八月為淮南節度使淮南王進封楚王唐哀帝天祐二年行密薨壽五十四據廬州十二年子溼嗣位梁太祖封之為吳王

閩王王審知字信通光州固始人唐僖宗時黃巢寇亂因有閩嶺五州之地梁開平元年以威武節度使王審知兼侍中審知自唐昭宗時已受封為閩王矣至其子延鈞後唐明宗長

興四年改名璘即皇帝位建元龍啓國號大閩蜀王王建字光圖許州舞陽人唐僖宗初陳欽瑄節制西川中尉

令孜為監軍召建欲致麾下欽瑄疑止之建怒以兵攻成都殺欽瑄等昭宗授以西川節度使梁受唐禪開平元年

九月王建即皇帝位國號大蜀明年改元武成南平劉隱上蔡人今汝寧古蔡州也其祖安仁徙居閩中商賈南海

因家焉父謙為廣州牙將破黃巢有功陞封州刺史卒州人表隱代之累有勳烈唐昭宗封隱南海王哀帝天祐二年進封安南都護清

海節度使次年封南平王今梁加隱侍中入封南海王乃以隱為大彭王乾化元年卒壽三十八其弟巖襲位盡有嶺表之北巖更名巖

梁末帝貞明三年即帝位國號漢年曰乾亨立二十五年壽五十四戊辰開平二年正月晉王李克用卒子存勳十一月立

梁遷都洛陽鵠濟陰王於曹州謚曰唐哀皇帝趙燕晉岐王吳越楚荆南淮南吳閩蜀王建南平

王鏐劉仁恭天祐年李贇錢鏐馬殷高季昌楊溼王審知武成年劉隱雪○福州雪峯禪師名義存泉州南安曾氏子年十二從莆田玉澗寺慶

峯玄律師出家年十七落髮往幽州寶刹寺受戒久歷禪會三登授子九到洞山後乃緣契德山唐懿宗咸通中開靈峯創院徒侶翕然

二祖不往西天

二年三月示疾開帥命醫來師曰吾非疾也遺偈付法訖五月二日出遊藍田暮歸澡浴中夜入寂壽八十七師嗣德山鑿鑿嗣龍潭信沙。福州玄沙宗一禪師名師備聞之謝氏子幼泛小艇於南臺江狎諸漁者年三十忽慕出家投芙蓉訓禪師剃落姓豫章開元寺受具布衲芒屨食纒接氣終日宴坐雪峯以其苦行呼為頭陀一日雪峯召之曰何不遍參去師曰遠磨不來東土二祖不往西天峯然之住後提振宗綱遐邇推敬開主待以師禮學侶餘八百眾當梁太祖開平二年十一月入寂壽七十五闍主為師樹塔師嗣雪峯存禪師

己巳 開平三年十月蜀州刺史王宗弁稱疾杜門蜀主疑其矜功怨小人致位至此足矣豈可求進不已乎蜀主嘉其志

趙 燕 晉王 岐王 吳越 楚 荆南 淮南 閩 蜀 建 南平

天祐元年 天祐元年 天祐元年 天祐元年 天祐元年 天祐元年 天祐元年 天祐元年 天祐元年 天祐元年

庚午 開平四年

續寶林傳 南嶽惟勁頭陀集唐昭宗光化年以來宗師機緣為續寶林傳四卷

趙 燕 晉王 岐王 吳越 楚 荆南 淮南 閩 蜀 建 南平

天祐元年 天祐元年 天祐元年 天祐元年 天祐元年 天祐元年 天祐元年 天祐元年 天祐元年 天祐元年

辛未乾化元年

三月 荆南 淮南 閩 蜀 建 南平

荆南 淮南 閩 蜀 建 南平

天祐元年 天祐元年 天祐元年 天祐元年 天祐元年 天祐元年

八月 荆南 淮南 閩 蜀 建 南平

荆南 淮南 閩 蜀 建 南平

天祐元年 天祐元年 天祐元年 天祐元年 天祐元年 天祐元年

二月 荆南 淮南 閩 蜀 建 南平

荆南 淮南 閩 蜀 建 南平

天祐元年 天祐元年 天祐元年 天祐元年 天祐元年 天祐元年

趙 燕 晉王 岐王 吳越 楚 荆南 淮南 閩 蜀 建 南平

天祐元年 天祐元年 天祐元年 天祐元年 天祐元年 天祐元年 天祐元年 天祐元年 天祐元年 天祐元年

二月帝疾增甚誅戮無常又議出征從官多畏憚帝長子柳王友裕早卒次假子博王友文帝特愛之郢王友珪心不平帝出友珪為萊州刺史友珪微行入左龍虎軍見統軍韓勅以情告之勅以牙兵五百人從友珪雜控鶴士入伏禁中夜斬關入至寢殿友珪僕夫馮廷諤刺帝秘不發喪矯詔稱朕躬危殆宜令友珪權主軍國之務發喪即皇帝位乾化三年正月改元鳳曆是時均王友貞處大梁討友珪友珪自度不免令馮廷諤先殺妻張氏次殺已廷諤亦自剄均王即位於大梁稱乾化三年

均王

太祖第三子初名友貞封均王鎮大梁汴州也乾化三年正月誅大逆友珪遂即皇帝位於大梁就都之追廢友珪為廢人三月帝更名鐸父之又名瑱在位十一年壽三十六歲謚曰末帝

癸酉

乾化三年

乾化三年
龍德三年
貞明六年

趙	燕	晉	岐王	吳越王	楚	荆南	淮南吳	閩王	蜀	南平
應泰年	天祐年	天祐年	天祐年	天祐年	天祐年	天祐年	天祐年	天祐年	天祐年	天祐年

金光明道場

杭州瑞應幻璋禪師請吳越王每年於天台建金光明道場諸郡黑白大會逾月而散光明大會始於師也

曰戌

乾化四年正月晉王既克燕以練紵及著劉仁恭并守光凱歌入晉陽獻于太廟斬守光械仁恭至代州祭先王墓斬之

趙	燕	晉	岐王	吳越王	楚	荆南	淮南吳	閩	蜀	南平
晉滅之	天祐年	天祐年	天祐年	天祐年	天祐年	天祐年	天祐年	天祐年	天祐年	天祐年

投子

舒州投子山禪師名大同本州懷寧劉氏子幼歲依洛下保唐寺禪師出家初習安般觀次閱華嚴發明性海謁翠微學禪師頓悟旨由是放意周遊後於故里隱投子山結茅而居至是乾化四年四月六日入寂勅謚慈濟大師師嗣翠微學禪師

乙亥貞明元年

趙	晉王	岐王	吳越王	楚	荆南	淮南吳	閩	蜀	南平
天祐年	天祐年	天祐年	天祐年	天祐年	天祐年	天祐年	天祐年	天祐年	天祐年

契丹

丙子

貞明二年

契丹太祖阿保機神冊元年

趙	晉王	岐王	吳越王	楚	荆南	淮南吳	閩王	蜀	南平
天祐年	天祐年	天祐年	天祐年	天祐年	天祐年	天祐年	天祐年	天祐年	天祐年

契丹

鮮卑山之遺種在商高宗之伐鬼方者是也自梁末帝貞明二年太祖阿保機稱帝建國立年傳嗣凡九主在位首末二百一十五年皆歷二百單九年經太祖皇帝諱億番名阿保機乃幹里小子也父特穆為夷離中猶中國刺史也先是契丹部落分而為八各有大人相與推約一人為王建旗鼓以號令諸部每三年則以次相代及阿保機為王尤雄勇恃其疆不肯受代五姓奚及七姓室韋咸服傳之黃頭室韋七部劫之於境上求如約阿保機曰我為王之古河城者拓跋魏之滑鹽縣也地宜五穀有鹽池之利其後阿保機將七部併為一國又北伐室韋女真西取突厥故地擊奚滅之

復立奚王使契丹監其兵東北諸夷皆畏服之初唐懿宗咸通末年有習爾者為王土宇始大其後欽德為王乘中原多故時久侵邊燕帝劉守光末年衰困遣參軍韓延徽求援於契丹契丹主怒其不拜留之久而乃禮而用之延徽始教契丹建牙開府築城廓立市里以處漢人使各有配耦墾蕪荒田契丹由此威盛疆大至是貞明二年阿保機始自稱皇帝國號大契丹年曰神冊國人謂之天皇王姓耶律氏以妻述律氏為皇后置百官治國十一年卒於夫餘城謚曰太祖

布袋和尚名契此示跡明州奉化縣常以杖荷一布袋携破席瓦供身之具盡貯袋中入市見物則乞或醢醢魚道纔接入口分少許投囊中時號長汀子至是貞明二年三月三日坐於嶽林寺廊下說偈曰彌勒真彌勒分身千百億時時示時人時人自不識偈已安然而化其後他州復見其負囊而行競畫其像而奉祀之

丁丑 貞明三年

契丹 神冊二年 乾亨次年冬十一月郊天改國號曰漢 南平劉巖即皇帝位于奇隅國號大越改元

戊寅 貞明四年

契丹 阿保機 神冊三年 荆南 淮南吳 蜀帝 漢 晉王 吳越王 楚 荆南 淮南吳 蜀帝 漢 天祐五年 天祐五年 天祐五年 乾亨元年

蜀帝太子衍立三月吳越王鏐初立元帥府置官屬淮南吳以徐知誥為淮南節度行軍副使知誥事吳主盡恭知誥以宋齊丘為謀主

龍湖 邵武龍湖禪師名晉唐僖宗第二子也幼不茹葷長無經世意僖宗鍾愛之僖宗中和元年黃巢亂帝幸蜀親王宗室皆逃

亡師斷髮逸遊謂石霜諸禪師問如何是教外別傳諸曰待按山點頭即向汝道師因省悟依止數年乃請遊山諸曰逢乾即止遇陳便住遂辭行過邵武抵大乾遙望山顛鬱然深秀問父老彼有居者否老曰有一陳嗣者久隱其中師至嗣遂分坐同住師廬茅谷口陳乃去之庵址存焉其寶乘禪院者師茅廬基也僖宗文德元年三月師乃擲錫杖於山杖止處建立道場緇素嚮心遂成巨剎一日有老人來前曰我龍也家于此山行雨不職將有天罰願師救護師曰汝可易形來俄一小蛇在座師引之入淨餅良久風雷挾座山巒搖震達旦開霽蛇自餅出老人來謝曰非師法力則腥穢此地矣觀道場關水當以報德遂斲地成穴涌泉衍溢乃為一湖在今半山之口龍

湖至是貞明四年一日師集眾僧曰吾將他適以院事付聰教二禪人乃說偈曰我逃世難來出家宗師指示箇歇處住山領眾三十年對人不欲輕分付今日分明說似君我歛目時齊聽取既而跨虎凌晨抵信州開元寺龍湖僧追之師曰山中已有聰禪師吾不復歸矣故龍湖無開山祖師塔惟有跨虎庵基為古今之證勅謚圓覺禪師五燈會元謂師示寂於龍湖殆非也師嗣潭州石霜禪師慶諸諸嗣道吾宗智智嗣藥山儼禪師諸吉州人姓陳氏

己卯 貞明五年 契丹 神冊四年

趙	晉王 天祐七年	岐王 天祐七年	吳越王 天祐七年	楚	荆南	淮南吳 武義元年	閩	蜀 衍 乾德元年	漢
---	---------	---------	----------	---	----	----------	---	----------	---

夏四月淮南楊氏即吳國王位改元武義建宗廟社稷置百官宮殿文物皆用天子禮樂

庚辰 貞明六年 契丹 神冊五年

趙	晉王 天祐七年	岐王 天祐七年	吳越王 天祐七年	楚	荆南	吳弟溥 閩 立	蜀 乾德三年	漢
---	---------	---------	----------	---	----	---------	--------	---

辛巳 龍德元年 契丹 天贊元年

趙	晉王 天祐七年	岐王 天祐七年	吳越王 天祐七年	楚	荆南	吳 順義元年	閩	蜀 乾德三年	漢
---	---------	---------	----------	---	----	--------	---	--------	---

壬午 龍德二年 契丹 天贊二年

趙	晉王 天祐七年	岐王 天祐七年	吳越王 天祐七年	楚	荆南	吳 順義元年	閩	蜀 乾德四年	漢
---	---------	---------	----------	---	----	--------	---	--------	---

越州鏡清順德德怵社師得法於雪峯吳越錢王尊其道德請居天龍寺又創龍冊寺以居師學侶奔湊由是吳越盛於玄學晉高祖天福二年八月入

寂壽七十四

癸未 龍德三年 契丹 天贊三年

趙	唐即帝位 同光元年	岐王 同光元年	吳越王 同光元年	楚	荆南	吳 順義元年	閩	蜀 乾德五年	漢
---	-----------	---------	----------	---	----	--------	---	--------	---

春二月梁帝遣使冊命吳越王錢鏐為吳越國王夏四月己巳晉王李存勗即皇帝位於魏州牙城之南國號大唐改元同光唐所有凡

十三節度五十州帥兵取梁梁帝謂皇甫麟曰李氏吾世讎理難降首不可竅彼刀鋸吾不能自裁卿可斷吾首麟泣遂弒梁帝麟因自殺十月唐帝入大梁

右梁三主合一十六年而歸于唐

李姓以上德王都鄴今彰德路古相州也後遷都于洛陽

莊宗明宗 閔帝潞王

莊宗

諱存勗本沙陀人唐懿宗咸通九年賜其祖姓李名國昌帝父名克用破黃巢復京師功第一拜河東節度使累封晉王薨存勗嗣王位滅梁建國曰唐追尊父王克用曰武皇帝帝在位三年壽三十五歲

同光元年

即癸未歲也十月滅梁改元十一月遷都洛陽

甲申 同光二年

契丹

天贊四年

趙

秦王 吳越王 楚

淮南吳閔 順義軍

蜀 漢

正月岐王李茂貞遣子繼職上表入貢稱臣帝尊禮之改封秦王四月秦忠敬王茂貞薨子繼職權知鳳翔軍府事

興化

魏府今大名路也興化禪師名存獎本府人帝詔入內執弟子禮以事師一日問曰朕收復中原得一明珠未有人酬價師曰請陛下珠看帝以手舒懷頭脚師曰君王之寶誰敢酬價帝悅賜紫衣師號師皆不受乃賜馬使乘之墜地損一足帝復賜醫師喚院主與我做箇木拐子師接得達院行問僧曰汝等還識老僧麼衆曰爭得不識和尚師曰踐脚法師說得行不得至法堂令維那聲鐘衆集師曰還識老僧麼衆無對師擲下拐子端坐而逝

汝州寶應南院禪師名慧顯河北人嗣興化獎

清涼院

乙酉 同光三年

契丹 天贊五年

淮南吳溥於石頭城建清涼寺禮請悟空住持

趙

秦 吳越王 楚

荆南

淮南吳閔

順義軍

蜀 漢 唐 白龍軍

九月帝以子魏王繼友樞密使郭崇韜伐蜀蜀主王衍與樞密使郭崇韜於知祥有引薦舊恩將行言於帝曰孟知祥信厚有謀此行得四川而求帥無踰此人者帝可之大軍乃西行入散關倍道而進攻蜀降崇韜乃以知祥為西川節度使鎮成都明宗長興四年封蜀王潞王清泰元年即皇帝位而殂子相嗣立建元明德國號蜀至宋太祖乾德三年降于宋合四十年國除

漢 有白龍現於漢宮漢主改元白龍更名龔嗣焉

明宗

諱亶本名嗣源北狄人莊宗養以為子從莊宗征伐屢立大功丙戌年正月趙在禮反于鄴莊宗命李嗣源討之三月嗣源至鄴者從馬直軍士張破敗作亂兵逼中軍嗣源叱問之對曰主上棄恩任威云克城之後盡坑魏博之軍我輩畏死耳今眾議請主上帝河內令公帝河北嗣源泣諭之眾軍不從嗣源壻石徹塘曰夫事成於果決而敗於猶豫嗣源乃令安重誨移檄會兵軍勢大盛李紹崇請蓮宗幸關東招撫之駕至萬勝鎮聞嗣源已據大梁諸軍離叛即命旋師歸入洛陽四月從馬直指揮使郭從謙不知曠王存義已死欲泰之作亂帥所部兵攻興教門緣城而入近臣宿將釋甲潛遁獨李彥卿何福進王全武等十餘人力戰莊宗空流矢鷹坊人善友扶莊宗自門樓下至洛霄殿薰下抽矢渴甚須臾殂李彥卿等皆去而共之右皆散善友焚帝尸已丑嗣源入洛陽止于私第拾薪煮于灰中而殯之百官三上牋請嗣源監國許之有司議即位禮李紹真孔循以唐運盡宜自建國號監國不從吏部尚書李琪曰若改國號則先帝遂為路人梓宮安所託乎前伐以旁支入繼多矣宜用嗣子柩前即位之禮眾從之監國乃於柩前即皇帝位年已六十歲改元天成每夕於宮中焚香告天願早生聖人為生民生天成二年春正月更名亶在位八年壽終六十七

天成四年
長興四年

丙戌天成元年

契丹

天贊六年

蜀梓月大師
貫休是年卒

趙

鳳翔 吳越國楚
繼曠 寶正年

荆南 具

順義軍 寶正年 孟知祥 白龍年

昭武節度王延翰自稱大閩國王立宮殿置百官威儀文物皆倣天子之制尊其父王審知曰昭武王是歲審知養子延稟弒延翰衆推其弟延鈞為留後

丁亥 天成二年

契丹太祖阿保機殂 德光 天顯元年

趙

鳳翔

吳越

楚 荆南

吳 閩

蜀

漢

遼

契丹太祖崩於天贊六年秋七月在位十一年太宗立諱德光太祖第二子母曰述律氏治二十二年立晉滅唐改契丹曰大遼守於所居大部落建天雄寺以奉

佛有契丹太祖阿保機像

秋八月楚王馬殷始建國立宮殿置百官皆如天子或微又改其翰林學士曰文苑學士知制誥曰知辭制樞密院曰左右機要司詳下稱之曰殿

下令曰教

知誥

十一月淮南吳王楊氏即皇帝位吳丞相徐溫卒吳主以其子知誥都督中外諸軍事知誥本姓李唐昭宗乾寧二年楊行密攻濠州軍士掠徐州得之生八歲行密養以為子行密長子湜憎之行密謂其將徐溫曰此兒質狀性識頗異於人吾度湜必不能容今賜汝為子溫名之曰知誥知誥事溫勤孝過於諸子溫是以愛之使掌家事及長喜書善射識度英偉行密謂溫曰知誥俊傑請將子皆不從也至

晉高祖天福二年受吳禪

戊子 天成三年

契丹

吳越

趙

楚

荆南

吳 閩 蜀 漢

閩主

萬為僧由是閩中多僧規五狀籍○是年十二月

荆南

命其子從誨權知軍府事從誨上表求內附

詔以

荆南

使

地

漳州

禪師各桂琛生常山李氏隸本府萬歲寺無相大師披

藏

剃髮

法服至是天成三年入寂壽六十二茶毘舍剎建塔于院之西隅

住城西石山地藏十餘年遷止羅漢院破垣敗瓦師處之恬如也接

法服至是天成三年入寂壽六十二茶毘舍剎建塔于院之西隅

勅謚真

禪師

已丑 天成四年

契丹

天顯三年

外十七

畢監三

六十一

趙

鳳翔 吳越

楚

荆南

吳

閩

蜀

漢

寶曆年

太和年

大有年

九月帝與平章事馮道從容語及年較屢登四方無事道曰臣常記昔在先皇幕府奉使中山歷井陘之險臣憂馬蹶懼切反執轡其謹幸而無失逮至澤潞放轡自逸俄至顛隕九為天下者亦猶是也帝深以為然帝又問今歲雖豐百姓贍足否道曰農家歲凶則死於流殍歲豐則傷於穀穢豐凶皆病者惟農家為然臣記進士聶夷中詩二月賣新絲五月糶新穀賢得眼前瘡剜却心頭肉語雖鄙俚曲盡田家之情狀農於四人之中取為勤苦人主不可不知也帝悅命左右錄其詩常詠誦之幽州宛平賈禹鈞仕至左諫議大夫致仕生五子皆宦顯侍中馮道贈以詩燕山賈十郎教子有義方靈椿一株老僊桂五枝芳周世宗顯德二年太師中書令瀛文懿王馮道薨

庚寅

長興元年

契丹

天顯四年

趙

鳳翔 吳越

楚

荆南

吳

閩

蜀

漢

寶曆年

太和年

大有年

十一月楚王馬殷卒子希聲襲位稱遺命共建國之制復藩鎮之舊詔以希聲為武安靜江節度使

雲門宗

廣東道韶州雲門山光奉院禪師名文偃生浙西秀州興路也姓張氏幼依空王寺志澄律師出家及冠落髮真

於毘陵墮侍澄數年探窮律部以已事未明往叅睦州陳尊宿撥門而入州擒住云道進師擬議州推之出曰秦時轆轤遂掩門損師一足師從悟入州乃掩之見靈峯存禪師既得以密契心宗遂出嶺徧謁諸方終抵中興樹敬禪師初不請首座有勸之請第一座者靈相曰我首座生也出家也久之曰我首座行脚也悟道也久之又曰我首座至矣一日令擊鐘接首座師適至敏笑曰奉遲甚久何來暮相即命之師不辭而就職當此庚寅長興元年也俄而廣主劉正將與靈相決可否知之乎封禿子語侍者曰王來出以似之適有僧問如何是祖師西來意敏乃就座而逝王至聞敏已化王大驚其僧以益呈發之書曰人天眼目堂中上座王乃請師繼主靈相迎之至麻開法久之遷住韶陽雲門山戊申年廣主屢請入內閣法持以師禮號匡真禪師七月迎之王府供養九月王還山明年四月十日師表辭廣主垂誠學徒端坐而逝塔全身於方丈後丙寅歲地太祖乾德四年廣主天寶九年也師示夢阮紹莊曰與吾寄語方華宮使特進李託託遂奏請開塔奉勅迎請靈軀內庭供養逾月方還因改寺額為大覺加謚天慈雲匡真弘明禪師師嗣靈峯存

大慈雲

大慈雲

大慈雲

大慈雲

大慈雲

禪師有嗣德山鑿鑿洞龍潭信禪師師之法道世宗仰之目之曰雲門宗

辛卯 長興二年

趙 鳳翔 吳越 楚 荆南 吳 閩 蜀 孟氏 漢 大有 單

壬辰 長興三年

契丹 天顯六年

鳳翔 吳越 楚 荆南 吳 閩 蜀 孟氏 漢 大有 單

版印 春二月初令國子監校定九經 雕印至周廣順三年版成印

三月吳越武肅王錢鏐薨年八十一歲中子傳瓘立更名元瓘以遺命去國儀用藩鎮法

秋七月武安靜江節度使馬希聲卒六軍使袁誼潘約等迎希聲之弟希範於朗州而立之治十五年壽四十九歲

癸巳 長興四年 契丹 天顯七年

春正月閏主王延鈞即皇帝位國號大開年曰龍啓 更名珠 二月唐命孟知祥為東西川節度使蜀王

十一月帝不豫詔立第三子宋王從厚 帝尋殂十二月宋王從厚即 皇帝位 甲午年正月改元應順時鳳翔節度使兼侍中潞王

從珂與朝廷猜阻三月潞王建大將旗鼓整衆而東閩帝聞潞王至 陝憂不知所為以五十騎出玄武門至衛州依刺史弘贇潞王

至將推馮道等皆上牋勸進潞王入謁太后太妃詣西宮伏梓宮慟 哭太后下令發少帝為鄂王令潞王即皇帝位于柩前王弘贇遷閩

帝於州解潞王遣弘贇之子殿直繼往 鳩之閩帝知其有毒不肯飲繼殺之 諱從珂明宗養子也姓王氏鎮州人今真定路也明宗畧地日并

其母獲之養為己子時年十歲封潞王為鳳翔節度使閩帝即位 以洋王從璋往代之由是舉兵閩帝出奔 潞王以太后命即位在位三年壽三十歲 三 清泰

甲午 清泰元年 契丹 天顯八年

趙

鳳翔 吳越 楚

荆南

吳

閩

蜀 相 漢

太和三年 龍啓元年 明德三年 大有七年

閏正月蜀王孟知祥即皇帝位于成都改元秋

七月

天台國清寺靜上座初得悟於玄沙備禪師言下居天台三十餘

年有問者曰心念紛飛未明攝伏靜曰却將紛飛之心以究紛飛之

處究之無處則紛飛之念何存透究究心則能究之心安在靜因觀

教中幻義述偈曰若道法皆如幻有造諸過惡應無咎云何所作業

不忘而藉佛慈與接誘有小靜上座者答之曰幻人與幻幻輪圍幻

業能招幻所治不了幻生諸幻若覺知如幻幻無為二靜上座遺踪

國清存

焉詳誌

乙未

清泰

契丹

天顯九年

趙

鳳翔 吳越 楚

荆南

吳

閩

蜀 漢

天祥元年 龍啓元年 明德三年 大有七年

荆南節度使高從誨性明達親禮賢士委任梁震

禮以昇

禮以昇 潤 瀝 宣 池 欽 效 繼 常 江 儲 信 海 十 州 為 齊 國

○清泰三年六月河東節度使北河總管不敬瑄遷鎮晉陽陰有自

全之計初帝欲使敬瑄移鎮鄆州今東平路也城給事李崧呂琦

等皆力諫以為不可帝從樞密直學士薛文遇之言以敬瑄為天平

節度使制出兩班相顧失色敬瑄曰我不興亂朝廷發之安能束手

死於道路乎都押衙劉知遠曰明公據形勝之地士馬精彊若稱兵

傳檄帝業可成掌書記孫維翰曰公能推心契丹何患無成敬瑄意

遂決表帝養子不應承祀請傳位許王帝怒手裂其衣抵地制削

敬瑄官爵以張敬達兼太原四面排陳使率諸將討之敬瑄表契丹

稱臣以父禮事之許以割地請援九月契丹主太宗德光也將五萬

三年 騎號三十萬至晉陽戰唐兵大敗十一月契丹主作冊書命敬瑄為

大晉皇帝築壇於柳林即位大赦制改長興七年朔為天福元年

潞王知石敬瑭即皇帝位遂與曹太后劉皇后廢王重美及宋審虔

等勞得國寶登玄武樓自焚而死皇后積薪欲燒宮室重美諫曰新

天子至必不露居他日重勞民力死而遺怨將安用之乃止后與重

美謀俱死是日晚晉高祖入洛陽止于舊第庚亥解甲待罪晉帝

慰而釋之乃命劉知遠部署京城知遠分漢軍使還營館契丹主於

七三四

天...中肅然無敢犯令十二月晉
帝...廢路王為庶人以馮道同平事

右唐四主合一十四年而歸于晉

晉

石姓以金德
王遷都汴州

高祖
齊王

高祖

諱敬瑄石姓本西夷人勇力善戰唐明宗愛之妻以女末寧公主
累遷至河東節度使清泰元年鎮太原徙天平節度使不受命遂
乃稱兵求援於契丹即帝位入洛陽割幽薊瀛莫承攬順新。天福
為儒武雲應寰朔蔚十六州以與契丹在位七年壽五十一。七

丙申

十一月改
天福元年

契丹

天顯十年

趙

鳳翔 吳越 楚

荆南

吳

閩

蜀

漢

天祥年

通文聖明德年

新九年

姓王

高麗當唐之末其王姓高唐莊宗同光二年高麗遣使來中國史失
不記其王之姓名至明宗長興三年權知國事王建遣使者來明宗

於是東夷諸國皆附之有二京六府九節度首在十部焉

丁酉

天福
二年

大遼

會同元年

趙

鳳翔

吳越 楚

荆南

唐受禪閩

蜀

漢

大

大遼太宗德光既立晉室受其所獻之十州春正月乃以幽州為
南京改契丹國號大遼年曰會同公卿庶官皆倣中國參用中國人

二月北歸以趙延壽
為樞密使兼中書令

遷

三月晉議遷都大梁四月至汴州
吳越王元瓘復建國如同光故事

八月吳主下詔禪位于齊王徐知誥即皇帝位于建康大赦國號曰
唐也唐年曰昇元尊吳主曰讓皇宮室乘輿服御皆如故宗廟正朔

徽章服色悉從吳制明年讓皇殂唐主廢朝二十七日追謚
曰睿皇帝唐昇元三年知誥復姓李更名昇元

風

汝州風穴禪師諱延沼錢塘餘杭人姓劉氏幼不茹葷習儒應進士
一舉不第乃出家依本州開元寺智恭披剃受具習天台止觀年二

穴

晉三

十五謁鏡清叅南院顯禪師悟旨依止六年辭去後唐明宗長興二
 年至汝水草屋數椽依山如逃亡家問之父老田父曰古風穴寺世
 以律居僧物故衆棄去師曰我居之可乎父曰可師乃留止日乞村
 落夜然松脂筆丁者七年至是天福二年州牧李使君聞師之道盡
 禮致之上元日開堂說法稟嗣南院顯漢隱帝乾祐二年李君移守
 郢州師避寇往依之館于郡齋汝州有宋太師者施第爲寶坊號新
 寺延師住持法席雄冠周太祖廣順元年賜其寺額曰廣慧師住二
 十二年常餘百衆僧問如何是佛師曰杖林山下竹筋鞭宋太祖開
 寶六年八月旦日登座說偈曰道在乘時須濟物遠方來慕自騰騰
 他年有叟情相似日日香煙夜夜燈至十四日手書別諸檀越十五
 日跣趺而逝壽七十八夏五十九師嗣
 南院顯禪嗣興化獎獎嗣臨濟玄禪師

戊戌 天福三年

大遼

會同二年

趙

鳳翔

吳越

楚

荆南

唐

閩

蜀

漢

八月晉帝上尊號於大遼主及太后以平章馮道劉昫爲冊禮使
 備鹵簿儀仗車輅詣遼主行禮帝車適甚遲表衣稱臣曰父皇帝

十月帝以大梁舟車逆會便於漕運乃建東京於汴州後以
 汴州爲開封府以東都潞爲西京以西都銀爲晉昌軍節度

私錢

勅聽公私自鑄銅
 錢文曰天福元寶

己亥 天福四年

大遼

會同三年

趙

鳳翔

吳越

楚

荆南

唐李昇閩

蜀

漢

復姓

春正月南唐群臣累表請唐主徐知誥復姓李立唐宗廟唐主許之
 更名昇改變群臣又請上尊號不受唐主不以外戚輔政宦者不得
 預事他國
 所不及也

閩

秋閏七月閩主爲拱宸控鶴軍使連重遇所弒其叔父
 延義自稱威武節度使閩國王更名曦謚閩主曰康宗

觀世音菩薩

杭州上天竺僧道翊一夕見山間光明往視之得奇香
 木命良工刻成觀世音菩薩像白光煥發繼以晝夜漢

高祖乾祐元年有僧從動者以古佛舍利置菩薩毫相中舍利時現
 冠頂又慶元路明州海中補怛洛伽山乃菩薩示現之地唐道

寶陀 宗太中年間西域天竺僧至洞中燭指祈禱親觀世音菩薩妙相
 與說法要名跡始著其後日本國僧慧鑄者自燕北五臺山得菩薩
 畫像舍于山側土人張氏張奉之捐所居為觀音院昌國誌云梁貞
 明二年始建寺也宋神宗元豐三年遣使王舜封往三韓舟抵洞黑
 風驟起龜負舟舜封禱之菩薩現相舟穩還朝以聞朝
 延頒金帛移寺建於梅岑山之陽賜額寶陀今之寺也
 閩王職度民為僧
 萬一千人

庚子 天福五年

趙

鳳翔 吳越 楚

荆南 唐 閩 職蜀 漢

辛丑 天福六年

趙

鳳翔 吳越 楚

荆南 唐 閩 蜀 漢

八月吳越國文穆王錢氏元瓘薨其子弘佐即王位
 弘佐溫恭明斷書禮士躬勤政務治七年壽二十
 十一月唐分遣使者按行民田漢十二月戊戌漢主寢疾在楚僧謂曰名龍不利
 十一月唐分遣使者按行民田漢十二月戊戌漢主寢疾在楚僧謂曰名龍不利
 以肥瘠定其稅民咸稱其平允漢漢主青造龍李各之表取飛龍在天讚若佛

閩主於城南西阜建石塔七層功未半光發如蓋者三夕
 際天又三夕王愷幸遂額之曰淨光而於其下又建寺宇名龍

壬寅 天福七年

趙

鳳翔 吳越 楚

荆南 唐 閩 蜀 漢

南漢即南平州也高祖劉龔四月
 殂秦王弘度即皇帝位更名玢

齊王

史曰出帝諱重貴尚祖兄敬儒之子也封齊王高祖五子皆早卒
 重睿尚幼天福七年六月高祖殂七月守司徒兼侍中馮道與天

平節度使侍衛馬步都虞候景延廣議國家多難宜立長君乃奉廣
 晉尹齊王重為即皇帝位大臣議奉表稱臣告哀於遼景延廣
 請致書稱孫不稱臣李崧諫之不從馮道依違其間帝卒從延廣議
 遼主大怒遣使來責讓延廣答以不遜丙午歲開運三年也十一月
 遼大舉滅晉遼主命張彥澤遷齊王於開封府
 頃刻不得留帝在位四年遠遷遼地壽年不載

開運三

開運三

癸卯 天福八年

大遼 會同七年

趙

鳳翔 真感國楚

荆南 唐璠 閩

蜀 漢弘聖

唐主餌方士藥浸成躁急群臣奏事往往暴怒問道士王棲霞何道可致太平對曰王者治心治身乃治家國今陛下尚未能去飢嗔飽喜何論太平宋后稱嘆以為至言唐主允所賜予棲霞皆不受二月唐主疽發背召齊王璠入侍疾謂璠曰吾餌金石欲益壽乃更傷生汝宜戒之是夕殂元宗璟即位

閩族王氏延政稱帝於建州國號大殷初天福四年曦既立驕淫苛虐猜忌宗族其弟建州刺史王延政以書諫之曦怒由是兄弟積相猜恨戰鬪至是延政稱帝

漢殤帝驕奢不親政事晉王弘熙欲奪之乃盛飾聲伎娛悅其意以成其惡頃之乘其醉而弑之弘熙即皇帝位中宗也改年曰乾和

○法眼宗

建康清涼寺禪師名文益小餘杭魯氏七歲依新文智通禪師

錫南峯抵福州見長慶禪師不大發明乃欲出遊過海阻風至城西石山地藏院禪師桂琛問曰上座學解說三界唯心萬法惟心乃指階前石曰此石在心內在心外師曰在心內琛曰行脚人著甚來由安所石在心裏之師窘無以對即放包依席下求決擇一月餘呈見解說道理琛語之曰佛法不恁麼師曰某甲詞窮理絕也琛曰若論佛法一物具足師於言下大悟遂依止久之時唐潞王清泰二年也師行至海州撫州牧重師之道請住崇壽院南唐有國唐主迎師住金陵報國禪院署號淨慧禪師遷住清涼寺大闡法化唐主邀師撰詩并書師賦詩師應聲曰擁毳對芳叢由來趣不同髮從今日白初是去年紅豔冶隨朝露馨香逐晚風何須待零落然後始知空唐主頌悟玄旨至周顯德五年唐之交泰元年也七月十七日師示疾唐主親加禮闈閏月五日辭衆跏趺而逝壽七十四臘五十四公卿李延勳以下素服奉全身塔于江寧縣之丹陽勅諡大法眼禪師塔曰無相再謚曰大智藏大導師師入室弟子四十三人各導一方隨根悟入者不可勝紀師嗣地藏琛琛嗣玄沙備備嗣雪峯存禪師宗門尊仰其道曰法眼宗

甲辰開運元年

大遼 會同八年

趙

鳳翔 吳越國 楚

荆南 唐

閩 蜀 漢

朱文 廣政年 乾和年

舊史

劉勰授司空平章事撰舊唐史佛祖異跡皆載之宋歐陽修撰唐書始皆刪去

春正月開拱宸都指揮使朱文進閣門使連重遇執閩主曦召百官告之曰太祖光啓閩國今子孫淫虐其墜厥緒天厭王氏宜更擇有德者立之眾莫敢言重遇乃推朱文進墜殿殺袁冕帥群臣北面再拜稱臣文進自稱閩王諡閩主曦曰景宗是年文進為其下所殺丞首送於建州殷主延政明年南唐兵取建州延政降閩合五十年而國除

鐘聲息苦

南唐江南上元縣一民暴死三日復甦云至一殿庭忽見先王縲械其嚴近問之曰主何至此曰吾為宋齊立所誤

殺和州降者千餘人免訴因此汝得還可語嗣君九寺觀鳴鐘須延其聲受苦聞鐘得暫休息或能為造一鐘尤善吾在位嘗交聘于閩國彼王遺吾一玉天王像吾常置於髻中後藏於瓦棺寺佛左膝無知者汝以此像為驗民既還具奏之唐主親詣瓦棺寺果得玉像於佛膝感泣造一鐘於建康清涼寺其文曰薦烈机孝高皇帝脫幽出厄以玉像建塔葬於蔣山結梵

又名同鐘

乙巳

開運二年

大遼

會同九年

荆

鳳翔

吳越 楚

荆南 唐

閩 滅

蜀 漢 廣政年 乾和年

丙午

開運三年

大遼

會同十年

趙

鳳翔

吳越 楚

荆南 唐

蜀 漢 廣政年 乾和年

丁未

開運四年

大遼

會同十一年

趙

鳳翔

吳越國 楚 弘佑 希廣立

荆南 唐 侯莫年

蜀 漢 廣政年 乾和年

遼

四月遼太宗烈在位二十二年五月世宗立諱阮番名兀欲東丹王突欲之子太祖孫也戊申年改元天祿天祿四年辛亥秋九月為燔王沐軼等弒於新州之火神淀在位五年五月楚文昭王希範卒將佐奉其弟希廣立之

三十一

三十一

三十一

吳越

六月吳越忠獻王弘佐薨遺令以丞相弘保為鎮海鎮東節度使是歲為內牙統軍使胡進思所廢更立其弟弘倬忠懿王也王留心釋教嗣位之初凡兩浙諸郡名山聖跡之處皆賜金帛創建伽藍福州支提山乃天冠菩薩道場王施七寶鑄天冠像一千身仍創寺宇宏麗甲於七閩焉

漢

丁未年春正月遼兵至大梁晉帝與太后已下上表乞降迎於封丘門外遼主辟不見封晉帝為負義侯置於黃龍府即慕容燕之和龍城也遼主改服中國衣冠百官起居皆如舊制遷晉帝李太后馮后北行後宮左右從者百餘人契丹三百騎援送之二月遼主還國以蕭翰為大梁節度使翰述律太后兄之子其妹復為遼主后翰始以蕭為姓自是契丹后族皆稱蕭氏述律太祖阿保機之后也夏四月遼主回至臨城得疾及樂城病甚丙子至殺胡林而卒國人為剖其腹實鹽數斗載之北去晉人謂之帝羆初河東節度使劉知遠聞遼主入汴分兵守四境以防侵軼於是將佐勸知遠正尊號號令四方知遠不許軍士皆曰今契丹執天子天下無主當漢孔目官郭威都押牙揚州勸進知遠從之二月辛未即皇帝位乃更稱天福十二年改國號曰漢契丹蕭翰聞漢帝擁兵南來遂欲北歸恐中國無主特

即位

有唐明宗子李從益與王淑妃在洛陽翰迎而立之以為帝號曰晉長拜之百官謁見淑妃泣曰吾母子卑弱如此而諸公所立是也吾家也翰留燕兵千人守諸門為從益宿衛翰乃行漢帝至洛陽命鄭州防禦使郭從義先入大梁清宮殺李從益及王淑妃漢帝至大梁復以汴州為東京國號漢

右晉二主合一十一年歸三漢

漢

劉姓以水德王都汴

高祖隱帝

高祖

諱知遠改名高沙陀部人世居太原與晉高祖俱事唐明宗晉高祖即位以知遠為保義軍節度使遷河東節度使開運二年封北

平王晉帝北遷帝即位于晉陽在位二年壽五十四稱天福年一

乾祐一

戊申

乾祐元年

大遼

世宗

天祿元年

趙 鳳翔 吳越 楚 荆南 唐 保大 蜀 漢 廣安 乾和 年

正月帝更名高祖 老甲子不豫 丁丑 殂于萬歲殿 秘不發喪 二月 立皇子 承祐 為周王 即皇帝位 時年十八歲 冬十月 荆南節度使 南平文獻王 高從誨 卒 其子 保融 知留後 治十年 壽四十一歲

隱帝 諱 承祐 高祖第二子 在位三年 壽二十歲 稱乾 祐年

己酉 乾祐 二年 大遼 天祿 二年

趙 鳳翔 吳越 楚 荆南 唐 保大 蜀 漢 廣安 乾和 年

韶國師 名 德韶 處州 龍泉 岷 氏子 年十五 出家 十七歲 依本州 龍歸寺 受業 十八 納戒 於信州 開元寺 後唐 莊宗 同光 年中 遊方

首謁 投子山 同禪師 次謁 龍牙 疎山 如是 參歷 五十四 負善 知識 寂後 至江西 撫州 謁法眼 益禪師 倦於 參問 但隨眾 而已 一日 僧問 法眼 如何 是曹源 一滴水 眼曰 是曹源 一滴水 師於 座側 聞之 豁然 開悟 白于 法眼 眼曰 汝向 後當 為國王 所師 致祖 道光 大尋 回玄 道遊

天台 山觀智 者 彭禪師 遺跡 者 若宿 契初 止白 沙時 吳越 中 歸 王 俶 為 王子 刺台 州 嚮 師 之名 延請 問道 至是 乾祐 二年 至 已嗣 吳越

位 遣使 迎師 仲弟子 之 為國 師 有傳 天台 智者 之教 沙門 義寂 者 即 螺溪 法師 也 言于 師曰 智者 之教 年祀 寔遠 卒多 散落 唯新 羅國 其本 甚備 請和 尚慈 為致 之師 乃聞 于吳 越王 王為 遣使 齋師 之書 往彼 國 繕寫 備足 而還 迄今 台宗 教文 獲全 者 師有 力焉 師有 偈曰 通玄 峯頂 不是 人間 心外 無法 滿目 青山 法眼 聞云 即此一 獨可 起吾 宗 宋太 祖開 寶五 年六 月二 十八 日集 眾言 別 跏趺 而逝 于 蓮華 壽八 十二 歲 臘 六十五 師 嗣法 眼 益禪 師

庚戌 乾祐 三年 大遼 天祿 三年

趙 鳳翔 吳越 楚 荆南 唐 保大 蜀 漢 廣安 乾和 年

武平 節度使 馬希 範 希廣 之兄 也 捕楚 王希 廣 殺之 希範 自稱 武安 靜江 寧遠 等軍 節度 使 降於 唐 唐封 之為 楚王 終為 唐滅 遷馬 氏于 金陵 夏四月 漢制 以郭 威為 鄴都 留守 天雄 節度 使 樞密 如故 以左 監門 衛將 軍 郭崇 為天 雄 衙內 都指 揮使 本姓 柴父 守禮 郭威 妻

曹源一滴水

心外无法

兄也威未有子養榮以為子五月威受命辭行言於帝曰太后從先帝久多歷天下事陛下富於春秋有事宜稟其教而行之親近忠直放遠邪佞善惡之間所宜明審樞密使右僕射同平章事楊邠總機政樞密使兼侍中郭威主征伐歸德節度使侍衛親軍都指揮使兼中書令史弘肇典宿衛三司使同平章事王章掌財賦邠等公忠帝信寵內容省使閹晉卿樞密承旨聶文進飛龍使後匡贊翰林茶酒使郭允明讒譖執政帝年益壯厭為大臣所制遂與樞密聶文進匡贊允明於十一月丙子旦殺邠弘肇章於廣政殿東廡下帝遣供奉官孟業齎密詔詣澶州及鄴都殺王殷又令鄴都行營馬軍都指揮使郭崇威步軍都指揮使曹威殺郭威及監軍宣徽使王峻郭威乃召郭崇威曹威及諸將告以邠等冤死且曰吾與諸公披荆棘從先帝取天下受託孤之任竭力以衛國家今諸公已死吾何心獨生君輩當奉行詔書取吾首以報天子庶不相累郭崇威等泣曰天子幼冲此必左右群小所為願從公入朝自訴盪滌鼠輩以清朝廷不可為單使所殺郭威乃留其養子榮鎮鄴都命郭崇威將騎兵前驅自將大軍繼之至封丘十一月帝遣慕容彥超等將兵拒之彥超等戰敗奔還即日帝出勞軍兵敗獨與從官數十人宿於七里寨餘皆逃潰乙酉旦帝策馬將還宮至玄化門劉錫在門上問帝左右曰何

右漢二主台四年歸于周

郭姓木德

王都大梁

太祖

世宗

恭帝

周

太祖

諱廣字仲文邢州堯山人父簡事晉為順州刺史威少孤依潞州人常氏潞州留後李繼韜篡敢死士為軍卒威年十八以勇力應募晉天福二年范延光以魏州反威為軍士當從楊光遠北征威舊隸劉知遠白知遠乞留人問其故威曰楊公有姦詐之才無英雄之氣得我何用能用我者其劉公乎後事知遠為侍衛都虞候知遠即而位威贊佐有功拜同中書門下平章事漢隱帝之世屢立戰功為鄴都留守漢乾祐三年十一月隱帝遇弒帝即位在三歲壽五十二歲

廣順

辛亥 廣順元年

天遼天祿四年九月 穆宗立 應曆元年

釋迦文佛入滅一千九百年

趙 北漢建國 稱乾祐

鳳翔 吳越

荆南 唐

蜀 漢

保大元年

廣寧年 乾和九年

北漢

初河東節度使兼中書令劉崇漢高祖母弟也高祖即位以崇為太原尹北京留守漢隱帝遇害欲起兵南向聞迎其子贊為帝乃止曰吾兒為帝吾又何求及周太祖代漢殺贊於東州崇大怒是日即皇帝位於晉陽國號漢稱乾祐四年二月遼王聞此漢立遣

拓計使潘書招其

主大喜夏四月漢主使鄭珙致書稱好

請 命燕 述軌冊

世宗

遼王述軌及偉王之子大寧王述律述律於南親行後漢至遼州之火神淀燕王述軌及偉王之子大寧山諸大臣奉之以攻述軌漚僧殺之并其族黨立述律為帝改元應曆皇帝醫巫閭山廟述律在位九年

遼

述律天皇帝諱璟蕃名述律從父名明太宗之長子也初太宗攻石晉帝作述律太后太宗崩立世宗世宗遇弒諸將迎帝即位自火神淀入幽州帝年少好遊戲不親國事每夜酣飲且方寐日中方起國人謂之睡王在位十八年

亦所

亦所州亦所寺禪師名道濟河中府人性武氏初謁法服益禪師問曰於叅請外有甚麼經師曰華嚴經曰捨別同異成壞六相是何門攝屬師曰文在十地品中據理則出世間一切法皆具六相也眼曰空還具六相也無師惜然無眼曰汝問我乃問空還具六相也無眼曰空即於是開眼吳曰因上女到院眼問師曰往中道問壁聞釵釧聲即各被戒別觀

戒不丹。戒師曰：好箇入路。戒曰：子向後有五百載，彼為王侯所立。在師尋經，師駐錫衢州古寺，闢大藏經。至吳越忠懿王弘微，延師入府，受菩薩戒，署號慈化。定慧禪師建大伽藍於南，曰：慈日永明，請師居之。師請塔下羅漢，過新寺符王之先夢也。於是又加應真二字於師號。師於周顯德五年入寂。師嗣法眼益禪師。

永。杭州慧日永明智覺禪師名延壽，餘杭王氏總角之歲，歸心佛乘。永明。茹葷日唯一食，持法華經七行俱下。纔六旬，悉能誦之。感群羊跪聽。年二十八，為華亭鎮將志慕真，乘吳越文穆王元瓘知師在道，乃從其志，禮龍冊寺翠巖叅禪師，剃染執勞，供眾都忘身宰衣，不繒纈，食無重味，野蔬布襦，以遺朝夕。尋往天台，山天柱峯，九旬習定，斥鷄巢衣，禪中暨謁韶國師，一見而深器之。悟於玄旨，乃謂師曰：汝與元帥有緣。他日大興佛事，師初住雪竇，嘗有偈曰：孤猿叫落中巖月，野客吟殘半夜燈。此境此時誰會意，白雲深處坐禪僧。吳越忠懿王弘微請師開山靈隱新寺，明年遷永明大道場，眾盈二千，僧問：如何是永明妙旨？師曰：更添香着。僧曰：謝師指示。師曰：且喜沒交涉。僧禮拜。師曰：欲識永明旨，門前湖日照光明。生風來波浪，起師履永明十五年度弟子一千七百，人常與七眾授菩薩戒，夜施鬼神食，放諸生

類不可稱算。六時散華行道，餘力念法華經，計萬三千部。著宗鏡錄一百卷，吳越王為製前後兩序，頒入大藏，流行今。并慈方丈曰：宗鏡堂師之詩偈賦詩，凡千萬言，播于海外。高麗國王覽師言教，遣使齎書叙弟子之德。奉金線織成僧伽梨衣，紫水晶念珠，金澡罐，彼國之僧三十六人，承印可記。別前後歸高麗，各化一方。宋太祖開寶七年，師入天台，山度戒約萬餘人。明年十二月二十六日辰時，焚香，命眾跏趺，逝。世壽七十二。僧臘四十二年。建塔于大慈山。宋太宗賜額曰：壽寧禪院。師嗣天台韶國師韶嗣清涼法眼益禪師六祖青原泐也。嗣壽之法者，杭州乾明津禪師、富陽子蒙和尚、山舊祖、大遼穆宗、應曆三年。

壬子 唐順 大遼穆宗 應曆三年

趙 北漢 鳳翔 吳越 楚 荆南 唐 蜀 漢 稱乾整 金華 保寧 廣慶 乾和 年

六月朔周帝如曲阜，謁孔氏祠，命葺之。禁孔林煎採訪孔子顏淵之後為曲阜令及主簿。祭 廣順 三年 大遼 應曆三年 旃檀佛像 此下一百七 年在汴京

趙

北漢劉鈞

鳳翔

吳越

保寧

蜀

廣政

初後唐明宗長興三年宰相馮道李愚請刻九經版此年六月版成獻之傳布甚廣刊字印之始也

甲寅

正月帝殂。大遼。應曆四年

瀛文懿王馮道薨

趙

北漢主殂

鳳翔

吳越

荆南

唐

蜀

廣政

周帝不豫正月加晉王榮兼侍中判內外兵馬事帝屢誡晉王曰昔吾西征見唐十八陵無不發掘者此無他惟多藏金玉故也我死當衣以紙衣斂以瓦棺速營葬勿久留宮中勿置守陵宮人勿作石羊虎人馬惟刻石置陵前云周天子平生好儉約遺令用紙衣瓦棺嗣天子不敢違也壬辰宣制畢是日帝殂丙申晉王榮即皇帝位

十一月北漢主曼殂子承鈞更名鈞即帝位慈和帝鈞性孝謹既立勤於為政愛民禮士境內粗安

世宗

諱榮太祖皇后弟以兄之子也太祖養以為子封晉王即帝位在位六年壽三十九

○ 顯德

乙卯

顯德二年

趙

北漢劉鈞

鳳翔

吳越

荆南

唐

蜀

廣政

僧 二月周帝詔併省天下無勅額寺院令郡府歲造僧帳凡死亡者以時開落之僧帳自此而始

丙辰

顯德三年

趙

北漢

鳳翔

吳越

荆南

唐

蜀

廣政

初周宿衛將趙匡胤謀篡戰北漢有功至是以為定國節度使兼殿前都指揮使匡胤表渭州軍事判官蘄州人趙普為節度推官正月周下詔帝親征淮南趙普為節度推官白之術搏對曰陛下為天子當以治天下為務安用此為乃辭還山

丁巳

顯德四年

趙

北漢

鳳翔

吳越

荆南

唐

蜀

廣政

天會

戊午 顯德五年

趙 漢劉鈞

天會年

大遼 應曆九年

荆南 唐 中興元年

蜀 漢 漢錄 廣政五年

三月周帝濟江伐唐唐主耻於降稱藩乃遣兵部侍郎陳覺奉表請傳位於太子弘獻廬舒斬黃四州之地畫江為境以求息兵五月唐主弘避周諱更名昱下令去帝號稱國主凡天子之儀制皆有降損去年號用周正朔乃告于太廟秋七月初行大周刑統帝欲均田租以元稹均田齒徭賜諸道南漢中宗劉弘熙殂長子衛王繼興即皇帝位更名鋹年十六

己未 顯德六年

大遼 應曆九年

趙 共漢鈞

天會年

鳳翔 吳越

荆南 唐 國室

蜀 漢 漢錄 廣政五年

周殿庭鐘磬有設而不擊者帝問樂工皆不能對樞密使王朴素曉音律帝以樂事詢之朴上疏曰禮以檢形樂以治心形顯於外心和於內然而天下不治未之有也是以禮樂修於上而萬國化於下聖人之教不肅而成其政不嚴而治用此道也夫樂生於人心而聲成

於物物聲既成復能感入之心昔者黃帝吹九寸之管得黃鍾之聲半之為清聲倍之為緩聲三分損益之以生十二律十二律旋相為宮以生七調為均凡十二均八十四調而大備遭秦焚其學歷代治樂者罕能用之唐太宗之世祖孝孫張文收其遺大樂備八十四調安史之亂器與工什亡八九至于黃巢蕩盡無遺時有太常博士殷盈孫按考工記鑄鐘十二編鐘二百四十處士蕭承訓校定石磬今之在縣者是也雖有鐘磬之狀殊無相應之和其鑄鐘不問音律但循環而擊編鐘編磬徒懸而已絲竹匏土僅有七聲名為黃鐘之宮其存者九曲考之三曲協律古曲參涉諸調蓋樂之廢缺無甚於今陛下武功既著切意禮樂以臣嘗學律呂宣示古今樂錄命臣討論臣謹如御嘗以和知音黍螺黍定尺長九寸徑三分為黃鐘之管與今黃鐘之聲相應因而推之得十二律以為眾管互吹用聲不便乃作律準十有三絃其長九尺皆應黃鐘律聲以次設柱為十一律及黃鐘清聲旋用七律以為一均為均之主者宮也徵商羽角變宮變徵次馮發其均主之聲歸乎本音之律迭應不亂乃成其調凡八十一調此法久絕出臣獨見乞集百官校其得失詔從之百官皆以為然乃行之注曰鑄鐘者惟伯有有二架以當十二辰之位匏磬亦八之也

立皇子宗訓為梁王頌
昔月癸巳殂于道甲午道遺詔梁王即皇帝位

恭帝 宗訓世宗子封梁王即位年七歲庚申年正月鎮定驛告北漢結
戎人入寇帝命指揮使趙匡胤北征即日出師晚至陳橋驛長徒

五鼓軍士露刃列於庭曰諸君無主願策太尉為天子擁逼南歸自
仁和門入太尉歸公署宰相范質等詣崇元殿召文武百僚至曉班

定帝自內降制曰天生蒸民樹之司牧二帝惟公而神位三王乘時
而革命其撥一也予末小子遭家不造人心已去國命有歸咨爾歸


德軍節度使殿前都點檢趙匡胤稟上聖之資有神武之畧佐我高
祖格于皇天逮事世宗功存納越東征西怨厥緒懋焉天地鬼神享

于有德謳歌訟獄歸于至仁應天順人法堯禪舜如釋重負予其作
賓嗚呼欽哉祗畏天命宜徵使引匡胤就墀聽命詔宰相掖之墜殿

由東序服御服登座群臣朝賀詔改周顯德七年為建隆元年國號
大宋正月四日也封恭帝為鄭王紹禮遷居西京曆開寶六年殂

右周三主合九年而天下歸宋

釋氏稽古畧



文政成廟



